

醫

碕

醫編卷之二

南海何夢

輯報之輯

雜症

○傷風寒

附鼻淵 有卒到等症為傷下各篇倣此

甚者徧傳經絡已見傷寒論此言其輕淺者邪止犯皮毛皮毛

為肺之合皮毛閉則肺氣不得外泄故上壅而嚏蒸成涕液壅

塞鼻中故聲出重濁肺氣鬱而成熱故肺癢而欬其人平素體

氣寒者則無汗熱者則有汗或發熱或不發熱或頭痛或不頭

痛蓋雖輕症其中又分輕重也虛者參蘇飲見發熱實者川芎茶

調散 此症與鼻淵相似而不同傷風屬肺有噴嚏且為寒邪

故涕清鼻淵屬腦故無噴嚏且係熱邪故涕濁甚則有穢氣鼻
出血蓋鼻淵屬風熱入腦熱氣湧涕傷鼻兩孔氣出如火痛或
成瘡熱不得泄傷及所過營血則衄矣初起蒼耳散散之久病
熱深防風通聖散見中風清之衄者犀角地黄湯見血涼之鼻孔痛
成瘡猪胆汁調冰硼散見口塗之此醫宗金鑑云爾然鼻淵屬腦熱云無嚏於理未的詳久嚏篇
可見矣

○破傷風

或損破或瘡潰風從破處入鬱遏正氣爲熱理同傷寒而或甚
者以曾經去血挾虛也故多搐搦等症 先須辨瘡口平而無
水者止于鬱熱而已若腫而出水則熱鬱而蒸成濕矣 脈浮

在表宜汗羌活防風湯九味羌活湯表解後以白朮防風湯

之 脈弦者半表半裏宜和解小柴胡湯見寒羌活湯地榆防

風散 脈沉實不大便在裏宜下大芩黃湯江鰮九後服羌活

湯 發表藥宜辛涼不可辛熱 服風藥過多汗不止者白朮

黃耆湯 搐瘓不已蠲痺湯凡瘓搐須養血潤燥加引經藥背

後搐者羌活獨活防風甘草面前搐者升麻白芷獨活防風甘

草兩旁搐者柴胡防風甘草右搐加滑石右屬脾手足顫掉

不已朱砂指甲散 頭目青黑額上汗珠不流眼小目瞤痛不

在瘡處者傷經絡也並不治 亦有瘡熱鬱結多着白痴瘡日

閉塞氣不宜通鬱熱生風者此為內風但須清熱解鬱 外治

法初於人家糞堆內或爛草房上取螻蛄蟲一枚捏住其背待蟲口吐水就抹在瘡口上覺麻即汗出立愈或玉真散傅之或杏仁去皮細嚼和雄黃白麝傳腫消爲度 牙關不開蜈蚣一條焙乾研末擦牙吐涎立甦

○傷暑

熱盛傷氣壯火食氣也又氣爲汗泄則益耗散矣 脈大而虛氣虛也 其症自汗面垢背惡寒氣從汗泄則陽虛背屬陰陽微故惡寒也 口乾前板齒燥熱氣初口出煩 悶或頭疼火上也發熱盛也 神思怠倦殊甚暑傷氣而不傷形則傷形而脈爲寒所滯也 故身體不痛與傷風寒異又與溫熱病相似而異此脈虛彼脈實也又與濕溫相似而異此身熱而渴彼身涼不

渴也此症首在察汗之多少 汗少則熱盛于裏而傷其內氣

肺氣傷必喘乏人參白虎湯見發熱脾氣傷則四支困倦不欲食

人參白虎湯多用甘草腎氣傷則津液涸小便少六味地黃湯

知知栢見虛損又暑先入心心屬火以類相從就燥之義也觀則

先發濕則心氣受熱而浮心血受熱而燥証見心煩口乾辰砂

五苓散見傷濕硃砂安神丸見煩加黃連小腸為心之腑五苓利

心經暑毒使從小便出為治暑上劑益元散尤佳 暑氣攻裏

腹內作痛小便不通生料五苓散加木香七分或益元散大便

不通者加味香薷飲見中仍佐以三黃丸見發熱暑毒客於上

焦胸膈痞塞湯藥至口即出不能過關或上氣喘急六和湯浸

冷調八麝香少許 暑氣久不解遂成伏暑內外俱熱煩燥自

汗大渴喜冷香薷飲加黃連一錢繼進白虎湯見發熱若不愈暑

毒深入結熱在裏謔語煩渴不欲近衣二便結澀調胃承氣湯

見大便不通或三黃石膏湯伏暑煩渴多熱痰者消暑丸每兩八黃

連末二錢名黃連消暑丸或二陳湯見痰或小半夏茯苓湯見痰並

可加黃連一錢 自汗手足厥冷六和湯蘇合香丸見諸中 自

汗手足時搐搦者謂之暑風緣汗出毛孔開風乘之火得風扇

益虐筋脉枯急故也香薷飲或香薷湯並見中並加羌活一錢療

盛者風火交煽則接湧盛六和湯星香散見中各半貼暑月身痒如針刺

間有赤腫處亦名暑風風邪留于皮膚熱不得泄故痒六和湯為末和消風

散見頭

酒調服

汗多則熱泄于外陽衰于中真氣耗散宜急

收其汗人參黃花白朮正味也屬以溫中固表為宜 又汗大

泄不止亡陽且令腎水竭絕津液內枯是為亡陰急當滋水之

上源三伏之義為庚金受囚也金遇丙丁失其清肅故孫思邈

謂夏宜常服五味瀉丙以補庚

悲金氣為熱所甚故飲之即補也

壬水絕于

巳癸水絕于午西北寒清絕矣故前人立法謂夏月宜補乃補

天元之真氣非補熱火也令人夏食寒是也生脉散

見中

主之

如兩足欹側脚膝痿弱行步不正是痿也加酒洗黃柏知母令

兩足湧出氣力 東垣謂熱傷元氣四支不收兩足痿軟遇早

晚則寒厥日高之後陽氣將旺復熱如火乃陰陽血氣俱不足

故陰虛而熱厥陽虛而寒厥也熱盛則陰虛氣傷則陽亦虛也口不知味肝熱則口

酸心熱則口苦肺熱則口辛腎熱則口鹹脾熱則口甘或淡是為口中不和則不知味又氣虛則食不化傷食之人亦不知味

也目中溜火肝火上透也視物眊眊無所見精神恍惚也小便頻數大便

秘結熱在下焦胃脘當心痛氣虛不運或食或痰或死血滯于胃脘或痛胸中閉塞時顯

嘔噦皆不運之故或有痰嗽金受火刑口沃白沫腎水上泛腰背腹皆痛甚則

如刀刺腹皆氣血凝滯之故頭痛時作火上升兩脇痛肝氣鬱或急縮臍下

周圍如繩束之急帶脈血枯筋縮食不下或食八即飽全不思食水氣脹悶

目汗尤甚若陰氣覆在皮毛之上氣弱陽不外伸兼汗多浸體使然皆熱傷元

氣所致黃耆人參湯主之

又察其有無別邪如冒暑飲酒酒熱與暑氣內盛發熱大渴小

便不利其色如血生料五苓散見傷去桂加黃連一錢或以五

苓去桂吞酒煮黃連丸如傷食者其人頭痛背寒氣為食鬱不達于背

也畏食惡心噫酸臭氣胸膈痞滿六利湯倍砂仁若因暑渴飲

冷致暑毒留結心胸精神昏憤語音不出者寒閉熱于肺管故聲不出香薷

湯見中化蘇合香丸見諸若先飲冷後傷暑者此必心下痞懣

五苓散生薑湯調服佳或君子湯見調中亦可中和後或小便

不利或莖中痛宜蒲黃三錢滑石五錢甘草一錢

又暑每兼濕時當長夏濕熱大勝蒸蒸而熾人感之四支困倦

精神短少懶于作動小便黃赤者熱也肢節疼痛大便溏泄身

體沉重者濕也脉洪大熱也而濡或遲濕也須以清熱燥濕之劑治

之市垣清暑益氣湯謂熱傷氣故以黃耆益氣固表爲君人參

甘草爲臣蒼朮白朮澤瀉等滲利除濕升麻葛根解表熱兼勝

濕風藥也故能勝濕

濕熱壅滯則食不消而痞滿炒薤青皮消食快食

氣亂於胸中清濁相干陳皮理之黃栢以瀉熱救腎人參五味

麥冬救金以滋水之上源爲佐血虛加當歸氣鬱加升柴中滿

去甘草咳去人參咽乾加乾葛血減心煩加人參

陽能生陰也當歸

少加黃栢瀉火如煩猶不止加黃連然苟非兼濕則諸利水之

品反足以耗竭腎水致損兩目慎之

東垣又謂風犯汗眼汗閉不出爲濕身重體痛或渴或不渴小

便不利此風濕相搏也頭痛或上熱壅盛心煩悶鬱溼有

樂生之意

陰濕之情狀如此所謂陽舒陰慘也

此陰勝陽之極也病甚則傳為

厥厥者氣逆上衝也痿者四支痿軟無力也由濕鬱成熱熱極

上衝而厥筋脉受傷則痿也利濕清熱為宜矣

清燥湯可用

又傷暑後復感風寒者身痛頭疼發熱去衣則凜着衣則煩感

風則有汗五苓散

見傷濕

內用桂枝感寒則無汗六和湯加霍香

紫蘇市井中多此症往往日間冒暑經營夜間開窓眠臥所致

有此症而發潮熱似瘧而未瘧者六和湯養胃湯

見瘧

各半貼若

鼻流清涕或鼻孔熱氣時出者亦六和湯加川芎五分羌活黃

芩各七分

已上皆夏月感受暑邪而為其所傷者也

昔人所謂動而

得之為陽症者是也有不必動而得者感其熱氣即病也益元散

又有因避暑貪涼而反為寒

涼所傷者或納風涼以傷其外或食瓜果以傷其內因而頭痛

發熱惡風無汗

昔人名此為中暑或又名為中暈名曰混亂故削其名而存其症

症似傷寒此

為陰寒所遏周身陽氣不得伸越也治宜辛涼發散辛溫消導

此全未傷暑而感風寒者與上文先傷暑續感風寒不同昔人所謂靜而得之為陰症者也

暑月多食生冷忽受暑邪熱入於內陰陽錯雜冷熱相搏中氣

擾動上壅則吐下迫則瀉故多吐瀉霍亂嘔不止者砒但棄散

見中

去茅根吞來復丹

見中

嘔而痰却暑散

見中

吞消暑丸或

小半夏茯苓湯

見中

嘔而渴者浸冷香薷湯

見中

或五苓散

見中

兼吞消暑丸瀉而渴生料平胃散

見傷

生料五苓散各半貼

名胃苓散或連理湯

即理中湯也

白茯苓

瀉止仍渴春澤湯

即五苓散或縮脾飲見中瀉而腹痛有積者生料五苓散見中

氣散見中各半貼雖無積而腹痛甚氣滯也生料五苓散加木

香七分或六和湯加木香五分或用二湯調蘇合香丸見諸瀉

而發熱者胃苓散如吐利不止外熱內寒煩躁欲裸形此陰盛

格陽香薷飲加附子或大順散加參附並浸冷服又有吐極胃

虛粒米不入病甚危篤者人參一錢黃連五分薑汁炒焦糯米一撮

水一茶鍾煎至一酒杯候冷與一茶匙許漸漸與之與盡便可

投藥食暑月人多服香薷飲以預防之若元氣素虛或房勞過

度者服之爲害不淺若飲預防惟生脈散爲宜暑病多陰証

死而肢體爪甲青黑者是也故治暑之劑多用溫熱

○傷濕

雨露本乎天清陽也故傷于土止犯皮毛

汗多衣濕不換致濕氣返入于內者同之

泥水本乎下濁陰也故傷于下侵及骨肉二者皆自外入飲食

之濕脾土所生之濕本乎人皆自內出在外在土者汗之以苦

溫甘辛之劑

辛散濕苦燥濕甘溫益氣以散邪

在內在下者利之以苦執

之品

恐其土行故用酸苦以歛而降之以淡泄之

治飲食之濕在上則吐之在下則

瀉之

食濕則利之飲濕則利小便

治脾土所生之濕則察其兼化蠶土

德兼該挾風則為風濕

是注挾火則熱濕是熱挾寒則為寒濕

痺痛者是

又上下中外無處不到在上則頭重胸滿嘔吐在中則腹

身腫重骨節痛

當分部位為治隨所兼寒熱溫涼以用藥又須察其為

何藏之邪如自病土虛生濕則補土如火盛生濕則清心如氣
鬱成濕則升旺如金寒水冷泛溢為災則煖腎所治之藥各從
所人不特二木也其症發熱惡寒惡濕身重自汗骨節疼小
便秘瀉大便多泄腰脚痺冷跗腫肉如泥除濕湯見中若兼腰
痛特甚不可轉側如纏五六貫錢重者濕入腎也腎著湯滲濕
湯小便秘大便溏五苓散吞戊己丸見中若兼感風則証兼惡
風或額上微汗除濕湯桂枝湯各半貼令微發汗不可已得汗
而發熱不去者敗毒散加蒼朮一錢防已五分若兼感寒則無
汗慘凜煩痛五積散見中和除濕湯見中五苓散各半貼若感
寒又感風者汗出身重惡風喘滿骨節煩痛狀如慄節風臍下

至腰痺不能屈伸所謂風寒濕合而為痺也防己黃芪湯或

五痺湯

見

若浴出未解濕裙褲忽爾熟睡濕侵腎經外腎腫

痛腰背彎曲五苓散加八厘坏少許下青木香丸見三服藏府

通腫消腰直痛止坐濕處腎九腫痛六味地黃見加柴胡

吳茱萸肉桂各一錢獨活五分若濕與熱相搏清熱滲濕湯

其証肩背沉重疼痛肩熱則上行土熱胸膈不利及通身疼痛

者拈痛湯見身濕熱發黃當從鬱治此濕熱之物迫近散

五苓酒麴乳酪停滯不化除濕湯及蒼白二陳湯消息之即

陳加二苓二上吐下利二法利比吐為多以濕水也多就下

又利大便小便二法利小便比利大便為多以濕非挾痰食等

濁物者皆當由小便出也故曰利濕不利小便非其治也

濕三法風以勝之風動而地乾也羌防等土以涸之水得泥乾

也苓朮等酸以收之斂約不使泛濫也肉紫端黃丹白礬等肉

實則水不能藏不得不從二便泄去濕脈必緩兼浮為在表兼沉為在裏兼弦

為風濕兼數為熱濕兼遲為寒濕通用蒼朮茯苓朱苓朮通木

瓜石斛在上加防風在中倍蒼朮在通身加烏藥羌活兩臂

加桑枝威靈仙在兩足加牛膝草薢防己寒濕雖暑月亦覺清

涼加虎骨官桂血必虛加當歸

傷燥

經曰諸燥枯涸乾勁凡物之乾燥者必硬勁皴揭皴裂也揭撝起也凡物乾者其皮必皴裂而收

起皆屬于燥燥爲肺金之化秋令也所以致燥有二一因于寒
秋風清肅夏令之濕至是而乾所謂風勝濕也一因于熱夏時
熱盛有濕以潤之至秋則濕退而熱猶未除故燥所謂燥萬物
者莫燥乎火也其因于熱者固熱矣卽因于寒者亦未始非熱
何則秋令降歛陽氣內入寒氣外束故每當秋涼多覺口鼻氣
熱是其理也此言天時之致燥也若或亡血亡津腎虛火盛致
此多端則又屬于人事矣在外則皮膚皴揭枯澁在上則鼻咽
塞乾在下則二便澀澁在手足則痿弱無力血不榮筋所致在脈則滯
滯虛衰治以甘寒潤劑清肺以滋水源庶幾血充液滿澤及百
骸滋燥養榮湯大補地黃丸清涼飲子道滯通幽湯潤腸丸

見大便不通

八正散

見林

皆可隨証選用也

內經每云秋傷于濕

運氣之說以立秋處暑白露三氣屬濕土也畢竟傷燥者多

○春溫

溫瘧 溫毒

濕溫 濕溫

溫春陽之氣也時至春而陽氣發動人應之身中之陽氣亦發動一遇風寒外襲閉其腠理此氣不得升發即鬱而為熱與冬月傷風寒發熱無異而有惡寒不惡寒之分者以冬時陽氣潛藏表陽虛故怯寒春月陽氣升發表陽盛故不怯寒也無汗者當發散然冬月陽微可用辛溫春月陽盛宜用辛涼仲景麻黃湯止為冬月傷寒立法不可混施於此証也 經謂冬傷於寒春必病溫又謂冬不藏精春必病溫又謂凡病傷寒而成熱者

醫編

卷之二 傷寒

先夏至為病溫後夏至為病暑程郊倩謂冬傷于寒寒字當腎
字看蓋腎水屬冬其氣寒故古人往往言腎為寒如言肝為風
言脾為濕之類細閱前代醫書自見冬傷寒云云謂耗傷腎水
陰精泄而不藏陰虛則火炎至春陽氣發動炎炎之勢不可遏
止一為風寒所鬱故溫熱病生耳然豈特不藏精者乃然哉即
在平人當春陽氣升發感受風寒鬱而成病者固多金鑑謂能
藏精者其病輕不藏精者其病重謹按或曰經言溫瘧謂得之
冬中風寒氣藏骨髓中至不則氣大發集鬱大成熱因春陽而發為溫瘧也即先夏至
房前溫邪不能自出句上當有若字因遇暑氣腦髓灼肌肉消言熱至骨腠
理開發此五句言若春時邪猶不能發至或有所用力邪氣外

汗皆由此病藏于腎先後內出于外也如是者陰虛而陽盛

則熱矣衰熱氣衰也則氣復返入八則陽虛虛則寒矣陽氣發泄太過則表虛而

怯寒表怯寒則氣歛而內返明是言冬時觸寒子何敢程說耶

曰禮記謂言非一端而各有當各求其當可也 風溫即春溫

之重者仲景曰大陽病發熱而渴不惡寒者在冬月傷寒則為

熱病春月感冒邪在太陽即得此証不候發汗已發汗則熱身

灼熱者名風溫熱盛得發表之劑其勢益揚風溫為病脈陰陽

俱浮自汗出風溫原本有汗由內熱熾盛蒸發之故身重壯熱

無氣以動故重多眠睡鼻息必鼾熱盛神昏也語言難出氣傷若被下者小

便利陰虛直視情不榮失溲陰不守若被火者微發黃色上火

加火熱濕欲發黃而劇則如驚癇熱極生風時痰癇筋為熱灼乾若

火薰之一逆倘引日再逆促命期大抵風溫忌汗亦不宜下

裏熱未實尤不宜火當用雙解散去麻黃加桂枝石羔余謂桂枝不必

加春溫無汗雖宜解表然必兼清裏雙解散審其表裏之重輕

為加減可也雙解散乃防風通聖散合六一散也此方雖仍犯

硝大黃然泄熱莫速於此且分兩有限不至太下無傷也前人

云溫熱証誤下不妨誤汗則殆硝黃可用則用之可不用則去

之是在臨証斟酌耳風溫汗太多脈虛者桂枝湯見傷寒合八

參白虎湯見發熱溫病兼暑証名溫毒治法不出上條濕溫

即溫病挾濕者其証身重胸滿多汗兩脰冷白虎湯加蒼朮枳

冬

○瘟疫病論

瘟疫非傷寒也世醫誤以爲傷寒矣傷寒感天地之當氣此感
天地之厲氣也邪自口鼻入內不各臟腑外不客經合于伏脊
之內去表不遠附近于胃乃表裏分界是爲半表半裏鍼經所
謂橫連膜原是也凡邪在經爲表在胃爲裏今邪在膜原正當
經胃交關之所病之始發凜凜惡寒甚則厥逆陽熱鬱極而通
則厥回而中外皆熱始而惡寒旣而發熱非若傷寒發熱而兼
惡寒也瘟疫初起先憎寒後發熱頭痛身疼脈洪而數其脈不浮
不沉蓋以邪在膜原故也不可認爲傷寒表証而發其汗邪不

在經汗之徒傷又不可下邪不在裏下之無益宜達原飲疎之

檳榔二錢厚朴一錢草果五分知母一錢芍藥黃芩各一錢

甘草五分午後溫 右檳榔厚朴草果三味消滯破結協力並

逐邪氣離膜原後四味爲滋液和血清燥和中之用按此

起可用若病成熱熾用此恐無濟有表者宜用河間雙解散無表者宜用東垣二聖救苦丹以及涼膈白虎黃連解毒普濟消

毒等劑但對証之藥附用可也其邪氣遊溢諸經不同本方加減法 脇痛耳

聾熱嘔而口苦邪溢于少陽也加柴胡一錢腰背項痛邪溢

于太陽也加羌活一錢目痛眉稜骨痛眼眶痛鼻乾不眠邪溢

于陽明也加乾葛一錢若不見三陽經証不必加藥止照本方上

論初起用
達原飲

服此藥其邪不傳裏者一二劑自解其証候頭痛身痛發熱而復瀉瀉但內無胸滿腹脹等証穀食不絕不煩不渴此邪氣外傳由肌表出或自發斑消或從出汗解斑有斑疹桃花斑紫雲斑汗有自汗盜汗狂汗之異此病氣使然不必較論但求得斑得汗為愈病耳此邪自外傳順証也勿藥亦能自愈

其有汗出不徹而熱不退者宜白虎湯生石膏兩知母甘草各五

錢錢粳米一服此藥辛涼解散或戰汗或自汗而解益前服達原

飲毒結漸開邪氣已離膜原尚未出表然內外之氣已通故多

汗脈長洪數故宜白虎辛涼散之也其有斑出不透而熱不

退者宜舉斑湯白芍當歸各一錢升麻五白芷柴胡各七川山甲

二錢

水薑煎服

其有斑汗並行而熱不除者宜白虎

合舉斑

湯

斑汗既愈

一二日或四五日後依前發熱無胸滿腹脹等

証脈洪而數此膜原有隱伏之邪發未盡也勿藥一二日間當

仍自汗自斑而愈

未愈者仍依前法治之然亦少有至于再

三發者更少有也

已上論邪傳表

若服達原飲而無汗無斑外亦無頭疼身痛惟胸膈痞滿此邪

傳裏也

有欲吐不吐者有得少吐不快者邪傳裏之上也宜

瓜蒂散吐之甜瓜蒂

錢一

赤小豆

錢二研

生梔仁

錢二

用水二鍾煎至

一鍾後入赤豆煎至八分先服四分一時後不吐再服盡吐之

如未盡煩滿尚存者再煎服如無瓜蒂以淡豆豉二錢代之此

病飲食不能胸膈煩而腹不滿吐之則邪滅邪盡病自己 有
心腹脹滿不嘔不吐或燥結便閉或熱結旁流或協熱下利或
大腸膠閉邪傳裏之中下也宜承氣湯大黃五錢厚朴一錢枳實一錢
芒硝二錢若但上焦痞滿無便結等病去芒硝即小承氣湯也然
雖無結糞而大便粘膩極臭者亦加之若不痞滿止便結者去
厚朴枳實芒硝用二錢五分加甘草一錢即調胃承氣湯也服
此導去其邪邪滅病自滅邪盡病自己 有胸膈滿悶心腹脹
滿下部熱結膠粘者此上中皆病也不可吐吐之為逆但用承
氣湯則上邪順流而下嘔吐立止脹滿漸除 其有吐後下後
既愈二三日或四五日依前復發者在上者仍用吐藥在下仍

用下藥此爲再裏之証常事也甚有三發者亦少有

已上論邪傳裏

若服達元飲後或病失治而三陽証悉具裏証亦具又舌根先

白胎至此時根黃至中央此表裏分傳也其証外則身熱顛痛

身疼腰背項痛肩稜痛口苦耳聾鼻乾內則胸膈心腹滿悶下

部熱結此瘟病常事也斷不可強求其汗宜用承氣湯先通其

裏裏邪去則氣通乘勢盡發于肌表矣 若表裏証悉去而熱

仍不退

此膜原之邪未盡也

宜三消飲檳榔草果厚朴白芍甘草知母黃

芩大黃乾葛羌活柴胡薑棗煎服調之可愈 服藥既愈三兩

日復發者仍用三消飲復下復汗如前而愈此亦常事也至有

三發者亦少有 若表邪多裏証少當治表兼治裏三消飲大

若裏証多表証少但治裏或吐或下表証自愈已上論表

裏分

若始病但發熱頭痛身疼口苦鼻乾而內無裏証止宜達原飲
加減法若不見三經病止于發熱不用加法繼而脈洪大數自
汗而渴邪離膜原未能出表也宜白虎湯辛涼解散脈靜身涼
而愈愈後數日依前發熱仍宜達原飲至後反加胸滿腹脹不
思食煩渴舌上刺等証皆由表傳裏也達原飲加大黃微利之
久而不去在上者用吐方在下者用承氣下方 若始則發熱
漸加裏病既用承氣等湯下之而裏病除矣數日內復發熱反
加頭痛身疼此由裏出表也脈浮者宜白虎湯下後熱減不甚

熱雖無頭痛身疼而三四日後精神不慧脈浮者亦宜白虎湯
汗之若服白虎湯不得汗者因精液枯竭也加人參覆臥則汗
解若大下後大汗後表裏証悉去矣繼而一身盡痛身如被
杖甚則不可轉側用身骨寒而痛氣血虛故痛耳非表証也當自愈已
論表裏
通傳

瘟疫備用諸方

天行大頭發熱頭項腫或喉痺腫痛芩連消毒湯柴胡甘草桔
梗川芎黃芩荆芥黃連防風羌活枳殼連翹射干白芷右方先
入大黃利去一二次後去之加人參當歸牛膝薑煎服
時行風瘟寒熱身頭痛咳嗽神志散亂茶葉活甘草白芷細辛

蒼朮川芎薑蔥煎

感冒聲啞

是浪子瘟

敗毒散羌活獨活前胡柴胡枳殼茯苓川芎

葛甘草桔梗

一鄉人皆感冒咳嗽

亦是瘟

用敗毒散

一鄉人多發熱內熱逐瘟湯黃連

戊癸年倍

黃芩

乙庚年倍

黃柏

丙辛年倍

甘

草

甲巳年倍

山梔

丁壬年倍

香附

紫蘇

等分

大黃

三倍

加硃砂

雄黃

為丸

亦可

湯則冷服

嵐瘴溪毒中人病發則迷困燥狂或聲啞

此敗血毒涎乘脾也

玄妙散人

參枳殼大黃柴胡黃芩半夏甘草

腫頭傷寒玄黃辟瘟丹玄參大黃連翹牛膀

各一錢

酒黃芩酒黃

連各二錢五分

羌活各五 荆芥各五 防風各五

石膏各錢半 桔梗各錢半

甘草一錢 食後作

二十次頻服

蝦蟆瘰癧類傷寒身生濃泡疹子防風通聖散防風當歸川芎白

芍連各二錢 薤白各四 麻黃各四

石膏各八 桔梗各八 黃芩各八

白木各 梔子各 荆芥各

滑石二錢

大黃各四 芒硝各四

甘草一錢

瘟疫雜病論

汗論

不得汗雖被覆火灼亦無邪初發定在半表半裏至于傳變有
出表者有人裏者有表裏分傳者凡見有表復有裏之病必先
攻裏裏邪去而後得汗若裏氣壅滯陽氣不舒四肢且厥安能

氣滯蒸蒸以達長此如水注閉其後發不能消滯凡見此者
傳之証務宜承氣裏氣一通不待發散多有自能汗解不然者
雖大劑麻黃湯連進非惟一毫無汗且加煩燥矣

戰汗邪先表後裏忽得戰汗經氣舒泄當即脈靜身涼煩渴頓
除若應下失下氣消血耗欲作戰汗但戰而不汗者危以中
氣虧微但能陷降不能升發也次日當期復戰厥回汗出者生
厥不回汗不出者死以正氣脫不勝邪也戰而厥回無汗者真
陽尚在表氣枯涸也可使漸愈戰而不復忽瘥者必死凡戰不
可擾動但可溫覆擾動則戰而中止次日當期復戰凡戰而汗不出宜大劑歸地加參內托

自汗不因發散自然汗出邪欲去也 若身熱大渴脈長洪而
數宜白虎湯得戰汗方解 若下後得自汗數日不止熱甚汗
甚熱微汗微此表有留邪實病也邪盡汗止如不止者柴胡湯
佐之表解汗當自止設有三陽經証當照前用本經藥加減法
若誤認爲表虛自汗用實表止汗之劑則誤矣有裏証時當盛
暑宜白虎湯若面無神唇刮白表裏無陽証喜飲熱畏冷脈微
忽自汗爲虛脫夜發晝死晝發夜死急當峻補補不及者死大
病愈後數日每飲食必驚動卽汗此表裏虛怯宜人參養榮湯
人參麥冬五味子地黃歸身白芍知母陳皮甘草黃耆倍加
盜汗裏証下後得盜汗者內有微邪也凡人目瞑衛氣行于陰

今內有伏熱兩陽相搏則腠理開而盜汗出若伏熱一盡盜汗自止如不止者柴胡湯佐之柴胡錢三黃芩錢一陳皮錢一甘草錢一生薑錢一大棗二煎服

愈後脈靜身涼數日後反得盜汗及自汗屬表虛宜黃耆湯黃

耆錢三五味錢三當歸錢一白朮錢一甘草錢五仍不止加麻黃根錢一如

有熱者屬實不宜用此

狂汗邪將去而欲汗解因其人稟素壯陽氣盛不能頓開三句當改

云陽浮盛于表躁擾不安忽然坐臥不安發狂躁少頃大汗而躁止脈靜身

涼霍然而愈

發癡邪留血分裏氣壅閉則伏邪不得外透為癡若下之內壅

一通則衛氣疏暢透表為瘧而邪外解矣若下後瘧漸出不可

更大下設有宜下証少與承氣湯緩緩下之若復大下中氣不

振瘧毒內陷則危宜托裏舉瘧湯白芍當歸各一錢升麻五分白芷

柴胡各七錢川山甲二錢水薑煎服如下後瘧漸出復大下瘧毒

復隱反加循衣摸床撮空理線脈漸微者危本方加入參一錢

補不及者死若未下而先發瘧者設有下証少與承氣湯須從

緩下

熱結旁流久痢清水奪液不得汗 疫証失下或挾熱下利脈

沉久不下之致津液枯竭後雖下裏証去矣脈雖浮宜汗而不

得汗此為奪液無汗然裏邪既去但得飲食少進十數日後中

氣利下當作戰汗而解可滋其陰陰液內充外溢自然得汗

下論

舌白胎邪在膜原也若變黃胎邪入胃也胎黃宜下 黑胎邪

毒在胃宜下下後二三日黑皮自脫有一種但舌黑而無胎此

經氣非下証也妊娠有此陰証亦有此不可下經血瘀熱或寒凝皆舌黑以在

經不在胃故無胎故不可下下後裏証去而舌尚黑胎皮未脫不可再下若

無下証設舌見離離黑色者危急補之 舌芒刺熱傷津液此

疫毒最重者急下之若老人微疫無下証舌上乾燥生胎刺用

生脈散生津潤燥胎刺自去 舌裂日久失下多有此証急下

裂自滿 舌短舌硬舌捲皆邪氣盛真氣虧急下之舌自舒

自胎乾硬如砂皮急下之

唇燥裂唇焦色唇口皮起口臭鼻如烟煤胃熱多有此症當下
鼻孔煤焦急下之 若唇皮起仍用別証互較慎下無遽也

口渴詳有下証者下之邪去而渴自減若用生津止渴藥無效
也如大汗脈長洪而渴未可下宜白虎湯汗更出而身涼渴止
目赤咽乾氣噴如火小便赤黑作痛小便臭揚手躑足脈沉數
皆內熱也當下之

心下滿心下高起如塊心下痛腹脹滿腹痛按之愈痛心下脹
痛皆宜下氣通則已

頭脹痛詳有下証者下之 若初起頭痛別無下証未可下

小便閉行大便則小便通利水藥無益也

大便閉下之無辭若老人及素弱人用蜜胆導法

大腸膠粘下之自愈協熱下利宜下

四逆脈厥體厥此氣閉也宜下之下後反見此証爲者虛脫宜

補脈厥無脈也
體厥身冷也

發狂胃實陽氣盛宜下之

下後諸變証論

下後脈浮既下矣脈浮而數身微熱神思或不爽此邪熱浮于

肌表雖無汗宜白虎湯汗解之若大下數下脈空而數按之

如無白虎湯加人參覆杯則汗解

似富加
歸地

下後脈浮而數宜汗不得汗或遷延五六日脈証不改終不得汗或素有虧虛也亦或利久使然用加人參白虎湯得汗而解下後脈復沉既下脈宜浮是汗解兆也今不汗而脈復沉餘邪覆入胃也宜更下之

更下後脈再浮仍當汗解宜白虎湯

下後病愈數日復發熱此非關飲食勞役勿歸咎于病人也此餘邪匿而復發必然之理再少下之即愈勿用大劑也

下後身反加熱下後當身涼今反加熱此結開而氣通鬱陽伸越也即如爐中伏火撥開雖焰不久自熄此與下後脈反數義同若無下証而妄下之過早者其發熱乃病勢原當逐漸發

熱非因誤用承氣更加發熱也日後邪氣傳胃有下証者宜更下之

下後脈反數應下失下口燥舌乾而渴身熱反減四肢時厥欲得近火擁被此陽氣壅伏也既下矣厥回不冷脈大而加數舌亦不乾渴此裏邪去陽氣暴伸也宜柴胡清燥湯柴胡黃芩陳皮甘草去花粉去知母加葛根隨其性而升泄之

下後數日舌上復生胎刺邪未盡也再下之胎刺未去然已輒但熱渴未除更下之胎刺既去日後又熱仍宜下之其中或緩或急或輕劑或重劑或兼用柴胡清燥湯犀角地黃湯至投承氣湯或宜多與或宜少與宜臨証斟酌

下後病全愈但腹中有塊按之痛氣時不利常作蛙聲此邪氣盡而宿結未除也不可攻徒損無益待胃氣平復自能潤下

或滋

陰下潤自通能食者新致則陳自推

下後腹滿去思食知味而熱未除脈近浮此表尚有餘邪也當得汗解如不汗以柴胡清燥湯和之復不得汗者以漸而解也勿苛求其汗

戰汗後復下後越數日腹痛不止欲作滯下也勿論已見病未

見病宜芍藥湯白芍當歸各一

錢

檳榔

二錢

厚朴

一錢

甘草

七分

裏急後

重加大黃三紅積倍白芍白積倍檳榔

下後自汗不止

詳白

下後益汗

詳益

汗下

下後痼漸出

詳發痼下

下後痼出復下痼反隱

詳發痼下

下後或數下亡陰痼病有宜下者不得已數下之致兩目澁舌

枯乾津不到咽唇口燥裂由其人素多火而陰虧今重亡津液

宜清燥養榮湯知母花粉當歸身白芍陳皮地黃汁甘草燈心

煎服 如熱渴未除裏証仍在宜承氣養榮湯知母當歸白芍

藥生地大黃枳實厚朴薑煎服 如表有餘熱宜柴胡養榮湯

黃芩陳皮柴胡甘草當歸白芍生地知母花粉薑棗煎服 如

痰涎湧甚胸膈不清宜貝母養榮湯知母花粉瓜蒌仁貝母橘

紅白芍當歸蘇子薑煎服

忌參木

下後餘熱不能頓除以膜原之邪未盡傳胃故也當寬緩兩日

以紫胡清燥湯緩劑調理

下後反痞下後痞應去而反痞者虛也其人素弱或新病初起脾失健運故也再用行氣藥則非矣宜參附養榮湯當歸白芍人參炒乾薑各一錢生地黄三錢炮附子七分若果是虛一服必愈虛實宜辨表雖微熱脈不甚數口不渴者是虛痞若潮熱口渴脈數者是實痞實痞宜再下之用此則大害

下後反嘔下後嘔宜去而反嘔此胃氣虛寒少食便吞酸宜半夏薑香湯一服嘔止半夏一錢薑香炮薑陳皮白茯苓白朮各

錢甘草五分薑煎服

下後脈浮宜汗不得汗

見奪液不得汗條

下後奪氣不語下後氣血俱虛神思不清惟向裏睡似寐非寐似寤非寤呼之不應此正氣奪也與其服藥不當莫如靜守宜人參養榮湯補之能食者自然虛回前証自愈設不食者病轉加法當峻補

瘟病兼証論

吐衄此胃熱也必非臟寒烏梅丸理中湯萬不可用但用調胃承氣虬自愈

畜血疫久失下血爲熱搏敗爲紫黑溢子腸胃嗽水不瀝小便利大便黑是其候也宜桃仁承氣湯大黃芒硝桃仁當歸芍藥丹皮服此藥熱除爲愈若餘熱尚存者宜犀角地黃湯地黃

五錢鳩棚加水絞

白芍

一錢半

丹皮

一錢

犀角

一錢

同地黃汁服

發黃疫邪傳裏移熱下焦小便不利邪無輪泄經氣鬱滯而發

黃身目如金宜茵陳湯茵陳

一錢

山梔

二錢

大黃

五錢

薑煎服

循衣摸床撮空理線筋惕肉瞤肢體振戰目睛不了了皆為耽
擱失下或用緩藥羈遲之故此元神將脫也補之則毒甚攻之
則氣已虛危証也不得已勉用黃龍湯大黃厚朴枳實芍藥人
參地黃當歸或用人參養榮湯亦可但虛候少退即宜屏去勿
久用也

服藥不受額汗支冷振戰心煩坐臥不安此中氣虧不能勝藥
也名藥煩急投薑湯立已或藥中多加生薑煎服則無此狀矣

更宜均藥爲兩三次服以防嘔吐

服承氣湯全不行或次日方行或半日仍吐原藥此因中氣虧不能運藥也大凶之兆宜加生薑人參以助胃氣然有病重劑輕亦致不行不在此例

思冷飲熱渴甚也勿論四時宜量與之若儘意飲則水停心下矣

虛煩坐臥不安手足不定六脈不顯尺脈不至此元氣不能主持法當大補

神虛譫語未下之前譫語必有內熱煩渴之証此爲實病宜下既下之後數日內譫語不止此元神未復也急宜清燥養榮湯

協熱下利泄瀉稀糞色必赤黃或焦黃此胃不留邪也一二日利止熱退爲病愈利不止者宜小承氣下之而利自止 若利一二日忽煩渴又泄此伏邪又發也仍照前治

大便閉結內熱故也宜下之諸病如矢

呃逆有寒有熱以本証參之熱則白虎承氣寒則四逆湯

熱結旁流先便閉後純利清水全無糞此糞結于內也宜承氣湯下結糞而利自止若服藥後結糞不下仍利臭水邪猶在也病必不減再下之

大腸膠閉極臭如粘膠而却下不結此熱極也不下卽死小便赤色胃熱也宜調胃承氣湯

小便急數白膏如馬遺膀胱熱也宜猪苓湯猪苓錢二澤瀉錢一滑

石五分甘草八分木通一錢車前二錢

小腹按之硬痛小便自調此畜血也桃仁湯桃仁錢三丹皮當歸

赤芍錢一阿膠二錢滑石五分

脈厥神色不敗言動自如別無怪証忽六脈如絲甚至手無或

一手先伏此失下氣閉故也宜承湯緩緩下之六脈自復忌生

脈散

愈後諸証論

愈後大便久不行作嘔不進食此下格病也宜調胃承氣熱服

下宿結而嘔止

愈後數日腹痛裏急此下焦伏邪欲作滯下也宜芍藥湯白芍

當歸厚朴錢各一 檳榔錢二 甘草錢七

愈後大便數日不行別無他証此虛燥也切不可攻宜蜜導法

甚則宜六成湯當歸錢半 白芍 麥冬 天冬錢各一 地黃錢五 肉苁蓉

錢三 日後更燥宜六味丸減澤瀉

愈後五更夜半作瀉其脈遲細而弱此命門陽虛也宜七成湯

故紙錢三 炮附白 茯苓 人參錢各一 五味錢八 甘草錢五 愈後更發者八

味丸倍加附子

愈後微渴微熱不思飲食此正氣虛也強與之即為食復漸進

稀粥以復胃氣

愈後能飲食肢體浮腫此氣復也胃氣大健則浮腫消勿誤服
水氣 若小便不利而腫乃是水腫宜濟生腎氣丸

愈後因勞而復發熱宜安神養血湯扶神棗仁白芍藥當歸遠
志桔梗地黃陳皮甘草圓眼肉

愈後傷食吞酸噯氣而復熱輕則少食重則消導自愈 若無
故自復此前邪未盡除也稍與前証所服之藥以徹其餘邪自
愈

婦人小兒瘟病論

經水適來而瘟邪不入胃入于血室至夜發熱譫語或止夜熱
而不譫語宜柴胡湯柴胡黃芩半夏甘草生地

經水適斷而瘟宜柴胡養榮湯與適來有虛實之別

妊娠瘟病宜下者照前法下之毋惑參朮安胎之說而用補藥則大凶矣但下藥得下則已勿過劑矣

小兒瘟病遇時氣盛行發熱目弔驚搐發症是也宜太極丸天

竺黃胆星

各五錢

大黃

三錢

麝香

三分

冰片

三分

僵蠶

三錢

糯米飯丸如芡

實大硃砂爲衣凡遇疫証薑湯下一丸神效

補遺病論

疫兼痢發熱身痛渴燥滿吐最爲危急宜檳榔順氣湯檳榔白

芍枳實厚朴大黃生薑煎服

疫兼水腫宜小承氣下之

陽証似陰外寒而內熱則小便必赤最易辨也

陰証似陽此傷寒有之瘧病無有也

○瘧

內經論瘧謂生于風蓋外感風寒邪在太陽陽明屬表則發熱在少陽屬半表半裏則寒熱往來觀傷寒論可見瘧疾往來寒熱邪在少陽也故仲景有瘧脈自弦弦數多熱弦遲多寒之說喻嘉言亦謂邪在少陽或兼他經証則有之謂他經而全不涉少陽則不成其爲瘧故不論兼有何脈皆不離弦之一字以弦乃少陽脈也然傷寒少陽証往來寒熱無定期而瘧病往來寒熱則有定期者以彼止感受無形之邪風風者善行數變故無

定期此雖亦感無形之邪風然必鬱成有形之痰涎留滯一處與日行之衛氣相遇邪正交爭乃作故有定期也古謂無痰不成瘧以此夫瘧由于痰滯而痰之滯也豈獨由于風寒一切外感內傷皆能致之故又謂無食不成瘧以食滯成痰也外感以風寒爲舉隅內傷以食爲舉隅所當推廣以求之者也又推之外感內傷旣能鬱熱畜痰獨不能停濕滯血而爲是証乎此楊仁齋所以有黃水瘀血之論也問曰痰血留滯之說深爲有理然嘗見痰滯血凝結爲瘡腫發爲寒熱亦無定期且或有不發寒熱者何也曰瘡腫初起發寒熱者必其邪盛勢大者也邪盛勢大連踞表裏無時不與衛氣相遇旋滯旋通旋滯故無

定期其後不復發寒熱者以日久正無另闢行徑不與之爭也

說見積聚若其初亦不發寒熱者必其瘡腫之小者乃然小邪不足

以滯大氣也 經曰陽併於陰則寒併兼併為一之義衛氣與邪相爭正為邪滯內鬱不

通不達于表則表寒不行于裏則裏寒內外皆寒似純陰無陽者然故曰併也何謂謂併於陰乃陽氣入于陰分亦即內鬱之

說陰併於陽則熱陽鬱成熱鬱久則伸內熱外達寒時毛髮豎

立欠伸偏體寒慄鼓頤陽併于陰則陽虛陽明虛則鼓頤以陽明脈循頰重也高鼓脊謂熱鬱將發火

氣冲突元氣走散故寒腰背頭項俱痛太陽虛也太陽脈抵腰夾脊上額交巔下項

中外皆寒此非真寒乃陽鬱之寒耳湯火不能溫也則此時不必熱時內外

皆熱冰水不能寒也此時不必用藥可知

有一日一作而或曰早或曰遲者按內經謂風邪所客視其虛

而八之如腰脊虛則八腰脊手足虛則八手足風府虛則入風府因舉八風府者以例之風府穴名在項上陷中邪客風府有淺有深淺者衛氣日行于表與淺分之邪相遇夜行于裏則不與遇矣深者反此故每日一遇如今日卯時與遇明日卯時又遇也衛氣到則肉理開邪氣之在風府者得以入之正不客邪相爭而病作矣此邪氣留滯其處着而不行者故每日如期而發若邪氣行而不着每日循夾脊之脊下行一節自風府至尾骶骨共二十五節則風府之邪計二十五日下行至骶骨與衛氣每日離一節故其作日遲如今日卯時衛氣到風府與適在風府之邪遇而病者明日卯時衛氣又到風府與已離風府而

下行一節之邪不相遇則必待衛氣追及邪氣相遇乃作故曰
遲也邪氣二十六入于脊內注于伏行夾脊脊間之脈其氣上
行無關節之間隔故九日而上出于缺盆之中衛氣從腹上行
從背下行伏膂之脈亦背也下行之衛氣迎上行之邪氣故其
作日早也此內經之說如是然有忽早忽晏又忽復早者則邪
氣忽上忽下忽淺忽深行無一定之故也豈必下盡二十五節
乃始上行乎○發于晝者爲陽邪淺在陽分也發于夜者爲陰
邪深在陰分也日早者邪由深出淺也日晏者邪由淺入深也
經言上下不言淺深者以衛氣晝行表夜行裏卽是言淺深耳
有間一日而作者有間二日而作者有間數日而作者皆邪

氣深入陰分逼近藏府橫連膜原膜原者膈膜之處空曠若平
原邪正可以並容阻礙不甚故久滯乃發也靈樞歲露篇所謂
蓄積乃作也發于子午卯酉日為少陰經瘧發于辰戌丑未日
為太陰經瘧發于寅申巳亥日為厥陰經瘧舊說如此不必泥
按衛氣遇邪之說經言不一而足又一條云夏傷于暑熱氣藏
皮膚之內腸胃之外此營氣之所舍也能令人汗孔疎熱舍營分蒸汗
故腠理開暑邪若可泄矣因得秋氣至秋而感汗出遇風及浴水感寒
此言或當時遇風浴氣藏膚內暑邪不得泄矣或謂暑邪已從
水不必至秋乃感寒汗泄此言寒邪內藏耳然經又
謂夏暑汗不出秋成與衛氣併居相遇即併居衛氣日行陽夜行陰
風瘧當從前說為是此氣暑得陽而外出得陰而內薄暑邪在陽分則外爭在陰分則內爭也內外相

薄或在外或在內與衛氣相延薄故曰作是亦以衛氣爲言也乃又出一條云

夏傷于暑汗出腠開遇夏氣淒清之水寒吳鶴皋謂水當作小藏于皮膚

至秋復傷于風先傷于寒爲陰邪後傷于風爲陽邪故先寒後

熱名寒瘧若先傷風後傷寒則先熱後寒名溫瘧詳其意是言

陽風與陰寒相爭而爲熱往來全與衛氣無涉果爾則遇時可

作何必每日一作耶且風寒無大分別無論冬月卽當暑令得

風則涼是風亦卽寒也而謂風爲熱氣可乎其說可疑必後人

之僞託也又經論溫瘧先熱後寒謂得之冬中風寒氣藏骨髓

中此與內經所言冬不藏精之人外感風寒深入骨髓鬱熱于內精不藏則腎水先虛熱伏則腎水益涸至春夏遇風寒發

爲溫暑至春則氣大發寒鬱成熱因陽邪不能自出邪深因遇

病意同氣而大發也藏也

暑氣腦髓燥肌肉消

言熱至骨也

腠理開發或有所用力邪氣與汗

皆出此病藏于腎先從內出之于外也如是者陰虛而陽盛盛

則熱矣衰

熱衰也

則氣復反入入則陽虛虛則寒矣

陽氣發泄太過則表虛而

怯寒表怯寒則欲而內返氣內返則表愈虛故寒也

此亦不言衛氣與邪遇且與上條所

論溫瘧先傷風後傷寒故先熱後寒不同豈溫瘧固與他瘧不

同特以其有寒熱與瘧相類故亦以瘧名之其証自有兩種耳

安得起作內經者問之

有經瘧內經曰足太陰

勝肱經

之瘧腰痛頭重寒從背起

太陽脈拆腰上

頭夾背也先寒後熱刺郄中

郄中即胸中太陽脈易老用羌活加生

足少陽

胆經

之瘧身體解

解身解情

寒不甚熱不甚

陽併于陰自外之內

陰併于陽自內之外則熱甚少陽在半表半裏往惡見

人見人心惕惕然少陽以胆為府經虛則熱多汗出甚火升發

然刺本經柴胡湯足陽明經之瘧先洒淅寒甚久乃熱熱去

汗出喜見天日火光陽明受陽邪則惡日與火若受陰邪則反

刺跗上本經衝陽穴易老用桂枝二足太陰經之瘧不

樂好太息脾脈不運則上焦氣不行不嗜食氣不化多寒熱汗

出病至則嘔嘔已乃衰脾脈絡胃夾刺本經穴易老用小建

足少陰經之瘧嘔吐甚腎脈上貫肝多寒熱邪入深多寒

少也水虛欲閉戶牖而處惡躁喜靜其病難已刺法失易老用小

足厥陰經之瘧腰痛少腹痛小便不利肝脈過陰非瘧也便

淋名數便言小便頻數滿噫肝氣鬱故恐懼肝有餘則怒氣不

足腹中悒悒則不快之意氣不足刺本經易老用四物柴已上

論別足六經証不言手六經以足經長而遠可包手經故此與

傷寒並單舉足經言非病必不涉于手經也可以意推按瘧

分六經又分藏府正與衛氣行陽行陰或淺或深與邪相遇說

合則泥定少陽一經非矣然歷驗瘧証在少陽經者居多此仲

景嘉言所以專主少陽立說也

有藏瘧內經曰肺瘧心寒肺金本清肅寒邪加寒甚熱熱間

善驚如有所見者心近肺心血為刺太陰肺經及手陽明大腸

經兩經相表裏故分刺以殺其熱易老用桂枝加芍藥湯按

五藏經不設邪而經列此五藏証者益有藏氣素虛之人為七

情所傷藏氣不行因鬱痰
餘諸邪于內而成瘧也

心瘧令人煩心欲得清水反寒多

不甚熱

熱在裏故外不甚熱而多寒

刺本經易老用桂枝黃芩湯

肝瘧色蒼蒼然太

息

木氣不暢故太息以達之

其狀若死者

木為春生之氣不舒而閉也

刺本經見血易老用四

逆陽逆脈

脾瘧寒腹痛熱則腸鳴鳴已汗出刺本經易老用四逆湯

湯芍藥甘草湯

腎瘧洒洒然腰脊痛

腰脊屬腎死轉大便難腎主二便故也目眴

眴然按眴瞬也傷寒論少陰病但欲寐即此意

手足寒刺本經及

足太陽膀胱經

表裏並刺也易老用桂枝加當歸芍藥湯

有府瘧內經曰胃瘧

善飢而不能食

胃熱故飢脾虛故不能食

食而支滿腹大

支支撐之意刺本經及

足太陰脾經橫脈

二經絡脈之橫者

出血

此論胃府瘧証不言諸府可以意推傷寒論亦止言胃府

以諸經之邪皆得入胃也

大抵因風寒者先必有怯寒鼻塞等証宜發散

若春時感風寒成溫瘧者必渴必汗出不惡寒熱多寒少多先

熱後寒

熱多陽勝陽性急故先發熱衰而退表氣乍虛故微覺寒宜白虎湯

因傷暑者必多汗

煩悶喘渴體若燔炭宜加暑門之藥煎成露一宿乃熱之而服

感燥氣者必膚索唇揭咽乾鼻燥宜滋潤之劑感濕氣者

必身重而痛小便不利宜去濕因時氣者必一方長幼病皆

相似審係何氣之邪治之因飲食所傷者証見痞悶惡食噉

腐小柴胡湯

見寒熱

合平胃散

見傷飲食

便結者大柴胡湯加苳硝厚

朴因氣鬱者必面色青滯脈瀯脇痛嘔吐清水或苦水意不

樂逍遙散

見鬱

加黃連

吳茱萸水浸炒

貝母倍柴胡

因勞倦者必氣虛

喘乏四肢困倦遇勞即發補中益氣湯

見氣

經年不愈邪結痞

瘧脹病曰瘧母。已上均審所蓄之邪是痰是血是黃水分別
治之。又須看熱多寒少熱少寒多以分寒熱然熱多寒少而
脈空虛未可便用寒涼熱少寒多而脈洪數未可概用溫熱又
當細察也。此外又有純寒無熱者曰牝瘧蜀瘧散牡蠣湯主
之或柴胡薑桂湯減黃芩加半夏益其人素寒所蓄之痰飲亦
寒與衛氣相觸寒氣發動純陰無陽故但有寒無熱也。又有
純熱無寒者曰瘧瘧緣肺氣素熱陽氣盛所蓄之痰涎亦熱機
便微令人消燂脫肉經云陰氣先絕陽氣獨發言肺熱偏于則
發也少氣壯火食煩冤煩熱不手足熱而欲嘔小柴胡合
氣也又有感山嵐瘴氣濕熱薰蒸而為瘧瘧者王斐曰南方天氣暑

熱地氣鬱蒸草木水泉皆稟惡氣故病者往來寒熱名冷瘧蘊
熱沉沉如臥炭火中者名熱瘧甚者病卽失音名啞瘧熱甚晝
夜不止稍遲二三日則血凝難救南方謂之中箭又謂之中草
子有挑草子法乃以針刺頭額及上下唇仍以楮葉擦舌皆令
出血徐以藥解其內熱可愈楊仁齋曰瘧瘧挾嵐瘴溪毒之氣
致然血乘上焦令人迷悶甚則狂躁啞不能言皆由敗血瘀心
毒涎聚脾治須涼膈疎通大腸小柴胡加大黃觀音丸治瘧木
香丸皆爲要藥 僧繼洪曰冷瘧宜用不換金正氣散見中熱
瘧宜用挑草子法此病最難治涼藥多不可用句未安涼藥雖
加辛散熱藥亦不可輕用且與和解可也啞瘧卽熱瘧之甚者
之品乎

血得寒則凝滯得熱則渾溢面赤心熱舌破鼻衄皆熱沸血壅所致故宜用挑草子法出其血甚則血上塞心竅啞不能言但噫噫作聲卽啞瘡也治此皆當散血用黑神散見立散須黑神散其或痰迷心竅而舌強者不在此論

又有似瘧非瘧者如傷寒邪在少陽經往來寒熱似瘧而無定期或一日二三徧且熱已卽寒寒已卽熱相繼不息不似瘧之有定期有息時也又虛人亦有往來寒熱經云陽虛則外寒陰虛則內熱陰氣上八陽中則惡寒本身下焦陰寒之氣陽氣上入陰中則發熱上焦陽氣下陷陰中則發熱故亦有往來寒熱似瘧而實非瘧病後產後多有之必由積漸虛損而致與瘧之發于陡然者

不同且亦忽作忽止無有定期與瘧之不來其期者又別也瘧按瘧亦有無定期者不可不知

治法無汗須發汗散邪為主

丹溪謂外邪必用汗解惟足厥陰最難得汗其汗至足方佳大率取

汗非必用麻黃輩但開鬱通經邪即散而為汗矣

有汗當斂汗扶正為先新發邪實者

可汗吐下久病正虛者宜補氣血稍久而正虛邪滯者宜一補

一發若深八千陰分者宜先升後汗至若邪乘虛入則宜以發

散祛其客邪然後扶持胃氣痰食氣滯則先以消導散其壅滯

然後漸補脾元 諸瘧發過三五次表裏之邪皆清即宜截之

凡用藥病正發時當避其銳氣于未發前二時服

咳嗽

火刑肺金燥痒不能忍因咳咳因痒痒因火燥是咳必有火然
有虛實之分不可概用寒涼嗽因於痰痰本脾濕脾熱則濕蒸
爲熱痰脾寒則濕泛爲寒痰熱者挾火作痒而咳嗽併見寒者
無火不作痒但嗽出其痰而已故古人分有聲無痰爲咳非必
也以咳因于痒不曰有痰無聲爲嗽非必無聲也以嗽本欲出
干痰故不言痰也
言聲也有聲有痰爲咳嗽也

分外感內傷二証皆以肺爲主外感邪從皮毛入皮毛者肺之
合也皮毛受寒則汗孔爲寒所凝閉而肺氣鬱成熱或皮毛受
熱亦傳入于肺而肺熱此固以肺爲主若內傷火炎火性親上
不論何藏府之火皆得上于肺故亦以肺爲主也

外感以有咳嗽為輕蓋肺氣雖鬱尙能通也故鼻流清涕鼻痒而嚏喉痒而咳若鬱甚熱壅不能上通則鼻乾且塞無噴嚏咳嗽之証矣蓋鬱不甚者尙欲外散與上通甚則不外散而內攻不上通而下鬱也 內傷以有咳嗽為重如肝腎之火其初止病下焦未遽上于也久而炎熾乃及于肺則病重矣

若肺火自盛者不在

此論

傷風消風寧嗽湯 肺火素盛之人易于傷風以肺有火則常

汗出腠開邪易入又內火盛暑被遏鬱即熱也治宜解表兼清

其火

金匱咳而上氣喉中水雞聲

痰飲與氣相觸成聲

射于麻黃湯上

氣肺脹喘目如脫

謂喘咳之甚目突欲出也

脉浮大越婢加半夏湯上氣喘

而急燥屬肺脹欲作風水

許腫脹門

發汗則愈小青湯

見痰

加石膏咳

而脉浮者厚朴麻黃湯

以散外邪

脉沉者澤漆湯

以逐內飲

時行咳嗽

發熱惡寒鼻塞氣急初病卽伏枕一二日卽輕俗名蝦蟆瘟參

蘇飲見發熱

加細辛五分

外感風寒失于解表久不愈因而咳

血醫誤以勞証治之清金降火頻進寒涼外寒未解內寒又生

纏綿日久遂致委頓假勞變成真勞

俗云傷風不愈變成勞者此也

此最當察

醫貫云肺經受寒血凝不行咳嗽隨痰而出其人必惡寒其脉

必緊其血必有或紫或黑數點

此亦有火証不可執

用麻黃桂枝湯微汗

而愈者數人蓋汗與血一物也奪血者無汗奪汗者無血若作

陰虛火動治殆矣

感風者鼻塞聲重傷冷者淒清怯寒挾熱

則煩躁受濕則重滯有血則腸間腥悶停水則心下怔忡夏

月火盛宜滋水清金黃連必用感濕者身體重痛小便不利

或有汗白朮酒見中濕秋燥宜潤杏仁瓜蒌之屬有冷熱相

兼者因增減衣服寒熱俱感遇乍寒亦咳遇乍熱亦咳飲熱亦

咳飲冷亦咳肺火素盛者亦如此宜金沸草散風散見頭合煎或欸冬

花散以薄荷葉代麻黃聲暴啞者寒包熱也宜辛涼解散有

痰壅于肺者金寶則不鳴也必清肺中邪滯清咽寧肺湯咳

而聲啞杏仁煎潤肺丸清音丸有熱咳失聲咽疼多進冷劑而

聲愈不出者生薑汁調消風散見頭少少與之然失音非獨實

証有之宜審察佐以橄欖丸含化仍濃煎枇杷葉散見中熱服

凡外感風寒治宜辛散所謂肺欲辛也若發散太過或形氣
病氣俱虛卽宜補內傷者陰虛火旺治宜甘潤最忌辛香所謂
氣病毋多食辛也然虛中有實者亦宜行滯火鬱肺經氣分
喘咳面腫身熱無痰瀉白散見發熱若面赤咳出血是火鬱血分
加黃芩生地內熱甚者加黃連咳急嘔逆脇痛者肝火也加青
皮青黛等若喘而面浮不得臥者是有痰飲水氣加苦葶藶以
瀉之肺燥宜潤二冬貝母阿膠雞子清之屬痰因燥難出加
栝蒌仁喘加杏仁動則喘滿氣急者肺脹也甚則胸高骨另或左或
右不能眠此痰夾瘀血礙氣爲病四物湯見血加桃仁訶子青皮
竹瀝薑汁韭汁之屬壅遏不得眠者難治咳久肺脹宜收斂

訶子為主佐以海石香附

童便浸三日用

桔萸仁青黛半夏麴杏仁薑

汁蜜調噀之

初病外感肺脹見前金匱二條忌收斂凡訶子五味五倍烏梅栗壳等皆收後之品初病切勿用也

痰嗽痰出嗽止痰甚者外作寒熱痰多而清為寒實多而稠粘

為熱實並壅閉正氣寒實者透羅丹熱實者瀉肺丸

痰積非

青黛括萸不除

凡咳嗽面赤胸腹脇常熱惟足有涼時脈洪

熱痰在胸膈也小陷胸湯

見胸

礞石滾痰丸

見痰

或用張子和法

吐下之尤快面白悲嘆或腸急脹痛脈沉弦遲細者寒痰在胸

腹也半夏溫肺湯

食積痰作嗽發熱者半夏南星為君括萸

萊菔子為臣青黛石減為使

食積及面青由黃色不常面上

有如蟹爪路一黃一白者是

治酒嗽肺癰肺痿喘急九噀救肺

飲冷熱酒或冷水傷肺致咳紫苑飲 飲酒傷肺痰多瓜

杏仁青黛黃連為丸竹瀝煎入韭汁吞之若慮太寒遏火先以

辛散之後以酸收之甚者吐之後與五苓見傷甘露見霍等勝

濕去痰之劑 醫貫謂肺為嬌藏畏熱畏寒火刑金固咳腎水

上炎者水冷金寒亦嗽苦腎火虛下焦與通火上浮乘肺肺熱

治八有脾胃先虛不能制水水泛為痰乘肺而嗽者又有初雖

心火刑金因服寒涼傷脾肺虛而嗽者須用六君子見加炮薑

以補脾肺八味丸見虛以補土母又謂王節齋云酒色過度損

傷真陰者不可服參芪此說大是誤人予遇此証先以六味見

壯水降火隨以參芪救肺使金水相生而愈世之用寒涼者

固非知用參芪而不知先壯水者亦非致陽火旺而陰愈傷乃
不識先後着也 凡咳嗽動引百骸覺氣從臍下逆奔而上者

腎虛氣不歸元也安腎丸等 勞嗽有因久咳嗽而成勞者有

因病勞而咳嗽者其証寒熱往來或獨熱潮熱盜汗咽喉乾痛

精神疲困痰或濃或淡或帶血腥語音不出保和湯滋陰清化

九五汁膏並可用乾咳無痰乃火鬱之証不得志之用苦梗開

之逍遙散次用滋補之劑四物湯見血加炒栢竹瀝等不已則成

勞 經年累月服藥不痊餘無他証却與勞嗽不同宜保肺一

味百部膏桑枝煎必效散噙化丸並可用

凡咳嗽上牛日多陽火也陽火旺痰稠黃陳見加貝母石膏

竹茹下半日多陰火也起于下焦痰青黑粘滯四物湯見加炒

栢知母或知栢八味丸 黃昏咳多火氣浮于肺也肺氣當降時而不得

降火浮故也不宜涼藥當以五味五倍等斂而降之又黃昏睡熱中

忽嗽痰數口食積痰也肺則脾靜不運故痰停于山而嗽前証火咳此証痰嗽也二陳見山

查麥芽消導自已 五更清晨嗽亦為痰停理詳痰門咳亦屬火火

空則發也每日寅時氣血注肺其時空心無所阻碍故火隨氣乘空上浮二陳加黃芩桔梗桑

皮 日輕夜重屬陰虛二陳加當歸

○喘哮

喘謂呼吸迫促勞動之人多有之如奔走則氣喘是也其在病機則氣之

上奔也古人又以短氣名之謂呼吸之氣短促也然有實喘虛

喘之分所當詳辨實者有邪邪氣實也虛者無邪正氣虛也

實喘之狀張口擡肩搖身擡肚胸脹氣粗聲高息湧惟呼出之

爲快也 虛喘之狀氣少而不續慌張短怯聲低息微皇皇然

若氣之欲斷

似喘不擡肩似呻吟而無痛呼吸雖急而無痰聲是也

實喘有由于外感者六淫外邪壅閉肺氣以致胸滿上喘也有

由于內傷者七情五志之動火酒食痰濕之鬱熱上壅于肺而

喘也 又有一等火鬱甚者其上冲作喘與諸實喘無異而陽

氣內鬱之極不能暢達以致四支厥逆六脈伏濇按之此不可

以熱藥投亦不可以寒藥下

用寒則火愈鬱

惟逍遙散見加茱萸宜散

蓄熱得汗卽愈愈後六味

見虛調之

虛喘有由于陽虛者肺氣實則能清肅下行脾氣實則能健運
四布虛則不能運行下降而但浮越于上也有由于陰虛者肝
腎陰虛兼水則火上炎乃真元耗損命門之火自下上冲也其
人平居若無病但覺喘乏察其脈數大而虛或微而無力者是
也

東垣曰華佗云盛而爲喘活人亦云喘爲氣有餘然盛而爲喘
者非肺氣有餘也氣盛當認作氣衰有餘當認作不足肺氣果
盛當清肅下行而不喘以火入于肺肺氣衰乃喘耳故盛者非
肺氣盛也乃火邪盛也故瀉之以苦寒非瀉肺氣也瀉肺中之
火卽所以補肺氣也 按東垣所言固是然壯盛之人忽爲邪

襲者有之未可便言氣衰也但喘則氣越亦必漸虛矣

丹溪謂新病屬實久病屬虛按新病亦有虛者如其人本虛而忽感風寒是新病亦有虛也久病亦有實也實喘治法傷風寒者五久而不聞喘何由除是久病亦有實也實喘治法傷風寒者五虎湯三拗湯定喘湯華散

寒束熱成痰者陳皮湯天寒加桂枝仁進乍退得食則減痰為

也下食已即喘是痰火桔梗二陳湯動作便有痰聲是痰定喘

湯加瓜薑三服後照痰証治之甚者神仙住喘湯止喘而無痰

者為氣實喘蘇子降氣湯氣甚者加葶藶前胡七情鬱結上

氣喘急實者四磨飲四七湯並見諸實喘並急飲溜升補燥熱

酸鹹之劑宜降氣清火潤肺辛散如蘇子桑皮枇杷葉前胡烏
藥枳壳半夏山梔元參知母青黛黃芩貝母二冬花粉杏仁海
石橘紅皆可用若脈洪實徧身痰氣火氣坐臥不得宜黃連薑
水氣喘者水氣逆行肺氣得水而浮觀浴河者水浸喘不能
至胸則喘可見喘不能
臥葶藶大棗湯桂苓木甘湯見痰飲等或汗之是濕者滲濕湯見傷
濕暑熱喘者白虎湯見發熱瓜蒌枳壳黃芩 食喘者凡病初
起卽喘急多是停食也或放屁甚者或咬人消食自愈小兒行
走氣急作喘多是食 食喘兼外感散邪消食 經有胃喘一
証謂胃絡不和氣逆作喘胃氣本下行二腸脈亦從頭走足然
若不下行而反干乎上則氣喘逆然
所以致逆者非火則食與痰耳審治之 又有肺積名息責責
奔

同肺氣結滯成積在右脇下如覆杯令人喘咳發肺癰詳積聚則呼吸之息上奔

門 虛喘治法肺氣虛者人參五味阿膠之屬 人參爲末雞

子清投新水調下一錢 勞卽喘者胡桃不去衣九錢人參一

錢杏仁去皮尖二錢薑棗煎帶渣服去大便一次卽愈 昔有

二人同行一念人參則不喘不含者喘可見虛宜補 腎水虛

者相火由衝任直冲而上非四物所能治寒涼所能制其痰爲

腎水所泛溢亦非竹瀝枳半所能化必用六味見虛加門冬五

味大劑煎服水升火降喘自定若腎火虛者下焦陰寒之氣逼

其浮陽上越作喘外証面赤戴陽煩燥脈浮大而數去死不遠用

助元接真鎮墜之藥尙可回生然不可峻驟且先以八味丸見

損黑錫丹見曉養正丹見氣之類煎生脉散見中送下覺氣稍定

然後以大劑參芪破故紙阿膠牛膝等以鎮主下又以八味加

河車爲九遇飢則服方可保全火從衝任逆上則胃氣之下

行者亦從之逆上矣東垣用調中益氣湯見勞加吳茱萸湯洗

味然須治腎爲是

再按古人以短氣卽喘而分實喘虛喘且如前說若依後人分

短氣與喘爲二則以短氣爲虛喘而喘單就者言未爲不可也

參看短氣少氣篇

哮喘者喉間痰氣作響以胸中多痰粘結喉間與呼吸之氣相觸

成聲得之食味酸鹹太過幼時多食鹽醋往往滲透氣管痰入

結聚一遇風寒氣鬱痰壅卽發其發每在冬初必須淡飲食行
氣化痰禁涼劑恐風寒難解禁熱藥恐痰火愈熾蘇子桑皮枳
壳青皮半夏前胡杏仁山梔必用八九月內用承氣預下其熱
使冬時無熱可包是妙法 哮喘人用青皮一個劈開入巴豆一
粒扎定瓦上炙黃每服三五分薑酒下愈後用半夏八兩石膏
四兩蘇子二兩丸服 又方雞子畧擊破壳不可損膜浸尿缸
內三四日夜煮吃效能去風痰也或猫屎燒灰沙糖湯調下
皂莢去皮弦子蜜炙二錢明礬一錢杏仁一錢紫苑桑皮炙草
石菖蒲半夏各二錢白丑頭末一錢胆星一錢五分百部熬膏
丸菴豆大每服七十九過厚味卽發者清金丹

短氣少氣

二者古人不甚分別如東垣謂二者皆氣不足戴復菴謂短氣者呼吸不來謂言無力宜補虛于進藥外選壯盛人吸氣噓其口中以助之此與素問謂怯然少氣者言而微終日乃復言此氣奪也乃少氣不足以言是以異乎是以二者同屬之虛也亦有分短氣爲實者如仲景論胸痺短氣爲實見諸篇又論短氣皆屬于飲見痰飲篇是以短氣爲實也蓋水飲痰食諸實邪足以阻礙正氣氣本不少因爲邪阻上壅而呼吸喘急古人多以短氣爲喘可見不得如平氣之舒和悠長故謂之短耳此但去其邪邪去氣自舒矣須分別觀之

噯氣

卽經所云噯氣由氣不得舒故噯以出之理與呃逆通彼則氣閉而逆冲自作響以出此則氣滯而不冲故藉噯以出之也經以心爲噯痺論所謂心痺者脈不通煩則心下鼓暴上氣而喘噤乾善噯又謂刺中心一日死其動爲噯者是也王太僕解心噯之義謂象火炎上烟又屬脾氣不舒經所謂太陰腹脹善噯者是也觀飽食則噯可見

呃逆

卽內經所謂噦氣自下冲上而呃呃作聲也經謂諸逆冲上皆屬于火然必有所閉遏乃然有爲寒氣所閉者有爲熱氣所閉

者有為水飲痰食及血諸有形之物所閉者景岳譬之雨中之

雷

陽為陰蔽奮出于地而有聲也

水中之濤

氣為水覆上山深得其理予嘗吸為濤汨汨作聲

烟入喉冒口乍閉每每作呃故知熱氣亦能閉也丹溪治陳超

越因飽後奔走

絡傷血內溢矣

患呃逆但食物則呃百餘聲

食物質濁血之屬也

半日不止飲酒與湯則不作

酒水質清氣之屬也

至晚發熱

血屬陰血脈病故夜發脈

濤數以血入氣中治之

猶云血氣上用

桃仁承氣湯

見加紅花煎服

小汚血數次而愈又治一女子大吐頑痰而愈故知血食痰皆

能閉也 有發于中焦者脾胃之氣被閉也有發于下焦者肝

賢之氣被閉也氣為陽陽屬火治須撤閉散火而有實火虛火

之分實者利之清之散之虛者補之 無病而呃者不必治也

即治不過用內經刺鼻取嚏或閉息不令出入或驚之之法皆

可立已若有病而呃者形氣壯實別無惡候審其致閉之邪去

之亦即已惟病重得此多為氣脫凡見其呃自丹田而上久久

乃一聲密類相連者為實通身振動者即是危候恐難治矣此

夫命門真火與黑錫丹灸關元傷寒吐汗下後與瀉利日久

誤服寒涼者理中湯見中產後丁香散傷寒熱病便燥脈

數承氣湯見大便氣為寒閉未鬱成熟者柿錢散丁香柿蒂

散羌活附子湯氣逆而虛者陳皮竹茹湯痰飲者二陳湯

導痰湯並見加薑汁竹瀝陽虛自汗者參附湯陰虛火炎

者參附煎湯下大補陰丸偶然呃一二日不止者木香調氣

散見中
氣

灸法男左女右乳下黑毒處一韭葉許灸三壯甚者

二七壯

○欠嚏

呵欠者必伸腰故又名欠伸經謂衛氣晝行于陽夜行于陰陰主夜臥陽主上陰主下故陰氣積于下陽氣未盡入行于陰陽引而上陰引而下陰陽相引故數欠此從陽之陰由動入靜之機也一人病吐血斗餘煩躁不得臥証甚危迫延予至時已半夜聞其欠聲予曰不死矣知陰猶在也藥之而愈

經曰陽氣和利滿於心出于鼻故嚏河間謂鼻中痒因氣噴作聲鼻為肺竅痒為火化火甚則痛微則痒也火于于肺發于鼻故痒而嚏

也或以物擾鼻亦嚏者擾痒亦屬火也或視日而嚏者太陽火

曜于日熱氣內通于鼻痒而嚏也仲景云其人清涕出發熱色

和者善嚏即傷風淺証風在皮毛其陽氣于肺氣可見嚏由

氣盛鬱勃使然故陽虛者無嚏得嚏則為佳兆

○傷飲食此以飲食過度留積不化者言若飲食衰少不足之証見下勞倦篇

飲食或寒或熱或過飽皆能傷人

飲者水也在人身屬無形之氣分多飲則氣逆水鬱氣上浮也觀浴者水浸至

胸則氣喘可見蓋水滿于下則飲冷則傷肺水之寒氣上射于肺則肺氣受傷

為喘咳為腫浸淫于肌為瀉下趨輕者發汗利小便上下中外

分消之重而蓄滿者芫花大戟甘遂牽牛之屬利下之言不獨利小便

須二便
兼利也

酒者其質則濕其氣則熱飲之而昏醉狂易者熱也宜以汗去之既醒則熱去而濕存宜利小便以去之葛花解酲湯主之若不先汗而遽利小便則炎燄不肯下行濕去熱不去若動大便尤謬蓋酒之熱乃無形之氣也病在陽分而妄下之以傷其陰分是謂誅伐無過汗以辛溫從其上火外達之性也佐以苦寒清其熱也

酒疸下之久則為黑疸尤宜切戒

見疸門

傷酒惡心嘔逆昏眩

頭痛冲和湯即參蘇飲加木香半夏茯苓湯

見理中湯

見中加

乾薑或附子理中湯

見中寒

和縮脾飲

見中暑

酒渴縮脾飲或乾葛

煎湯調五苓散

見傷濕

久因於酒成酒積腹痛泄瀉或暴飲有

灰酒亦能致之並酒煮黃連丸

見傷暑

多飲結成酒癖腹中有

塊隨氣上下冲和湯加蓬朮五分停爲痰飲者枳實半夏湯加神麴麥芽或冲和湯加半夏茯苓解酒毒枳椇子最妙 喻嘉言曰錢小魯善飲飲必醉歲無虛日嘔吐寒熱兼作骨節煩痛脈洪大促急身更着席不能動展左腿痛如刀刺鼻煤從病起至是總未大便此癰疽之候也有謂燥金司令酒客素傷熱濕至此而發熱被歛束不得外越津液乾枯大腸失潤以清金潤燥治之或曰不然酒毒大發腸胃如焚能俟掘井取水乎必以大下爲急余曰下法果勝但酒客胃氣素爲多嘔所傷藥入胃中必致上湧不能下達掘井固難開渠亦不易夫酒者清烈之

物不隨濁穢下行惟喜滲入者也先從胃入胆胆爲清淨之府

同氣相求故也然胆之攝受無幾其次從胃入腸膀胱滲之化

溺爲獨多焉迨至化溺則所存者酒之餘質其烈性實惟胆獨

當之是以酒至半酣雖懦夫有揮拳罵座不顧餘生之胆

酒性極熱

而親上心肺受之不獨胆也酒入則氣強散無所畏氣之降者

屬肺升者屬肝胆肝陰胆陽酒氣乃陽升之極者故屬之胆耳

胆之府原無輪瀉而胆之熱他人可移于腦濁涕從鼻竅源源

而出亦少殺其勢若小會則陽分之陽過旺陽分之陰甚衰髮

鬢全無直似南方不毛之地熱也極矣肯受胆之移熱乎幸其

頭間多汗腦熱暗洩不爲大患乃胆熱既無可宣又繼以酒之

熱時之燥熱注內熾故胆之熱汗滿而溢出于外以漸滲于經

絡則身目皆黃以其滲而出也亦可轉驅而納之膀胱從溺道而消也今病獨攻環跳之穴腿痛如刀刺則病結于胆之本經不能驅使從膀胱出矣卽欲針之此久傷之穴有難干決瀉者吾更有慮焉有身以後全賴穀氣充養穀氣卽元氣也穀入素少之人又卽藉酒爲元氣今以病而廢飲何所恃爲久世之資耶吾諦思一法先搗腦中黃水出鼻次針胆穴之絡腦間者數處務期胆中之熱移從腦鼻而出庶乎上泄則下寬環跳穴中結邪漸運而腸胃之枯槁漸回然後以瀉胆熱之藥入酒中每日仍痛飲一醉飲法同而酒性異始得陰行而妙其用蓋其以生卒之偏造爲堅壘必藉酒轉爲鄉導乃克有濟也豈清金潤

燥與下奪之法能了其局乎

食者物也在人身屬有形之血分傷食則胸腹痞滿惡心噦

噫敗卵臭惡食頭痛發熱惡寒食鬱成熱上攻頭痛外蒸身熱氣不達于表故惡寒証似

傷寒但氣口脈倍大千人迎及身不痛為異耳輕則消導重

則吐下在土腕者吐之瓜蒂散之屬已下腸中者下之其証

熱所傷之物亦熱者承氣湯見大便不通其証寒所傷之物亦寒者

小七香丸料一貼薑引水煎吞感應丸或備急丸經曰上部

有脈指頭部三候言下部無脈指足部三候言其人當吐不吐則死東垣謂其

理同本鬱宜吐以達之以為食塞胸中太陰肺金之部分也肝

木之氣為食所遏不得上升伏于脾土之中若受金之剋伐者

然氣在胸中肺部阻故曰木鬱吐之則木得舒又謂肺爲清

陽之分如天食壅于上則天氣不得下交于地而成否地中之

水源于天氣故曰水出高原氣隔于上則源絕而水不下流故

下部無脈其說迂曲大抵食在胃脘之上未入于腸故宜從上

越之耳又上部之氣在食之上不受遏則能運行故上部之脈

亦通脈隨氣行下部之氣爲食所遏不能運行故下部無脈也傷

寒物者半夏神麴乾薑三稜廣茂巴豆之類治中湯加砂仁一

錢下紅九子小七香丸半夏枳朮丸寒熱不調每服加上二黃

九十九丸或用木香乾薑枳朮丸丁香爛飯丸傷熱物者枳實

白朮青陳麥芽黃連大黃之類上二黃九枳朮導滯丸寒熱

通用保和丸枳朮丸麴蘖枳朮丸木香枳朮丸檳榔丸 傷濕
熱不化痞滿悶亂枳實導滯丸 傷肉食濕麴辛辣厚味三黃
枳朮丸 傷熱食痞悶兀兀欲吐土三黃丸 傷濕麴心腹滿
悶支體沉重除濕益氣丸 傷豆粉濕麴油膩曰木丸 食
粉片積用紫蘇濃煎汁和杏仁泥服之卽散 食狗肉不消心
下堅或腹脹口乾發熱煮蘆根汁飲之杏仁治狗肉 食魚膾
生肉不化每成癥瘕搗馬鞭草汁及生薑汁飲之 大抵神麴
麥芽消穀食萊菔化麴食硃砂阿魏山查消肉食紫蘇化魚蟹
毒麴香消酒果積 如傷冷物一分熱物二分則用寒藥二停
熱藥一停隨時消息面色青黑脈浮沉不一弦而弱者傷在厥

陰肝經受寒當歸四逆湯見加吳茱萸或生薑之類主之面紅

赤脈浮沉不一細而微者傷在少陰腎受寒物所傷通脈四

逆湯面色黃脈浮沉不一緩而遲者傷在太陰理中丸湯

見中主之此條皆凡脾脈微洪屬火傷苦物皆為火味也此等

泥鹹勝苦微弦傷冷硬物濕以克之弦緊傷酸硬物辛勝酸微

澁傷辛辣物苦勝辛微滑傷腥鹹物甘勝鹹洪緩傷甜爛物酸

勝甘微遲傷冷痰積聚惡物濕胃化痰單伏主物不消化麴蘖

三稜廬茂之類洪浮而數乃中酒葛根陳皮茯苓傷食作瀉不

止于藥中加肉苳薏苡仁收固之傷食兼感風寒証與前同

但添身疼氣口人迎並盛生料五積散見中養胃湯芫芷香蘇

見脾和解散 凡傷食主平胃散傷穀食者加穀芽麥芽

麴肉食加山查麴滯加萊菔子快膈加枳實 若脾胃虛弱不

能化六君子湯見氣加丁香藿木香建蓮厚朴縮砂麥芽神麴脾氣

下陷補中益氣湯見氣肝火乘脾脾傷不運左金丸見發熱歸脾湯

見血腎火乘脾六味丸見虛損命門火衰不能生土八味丸見虛損或

疑正富飽滿難于用補不知用補自有法疏啓其中峻補其下

少用則助壅于上多用則峻補于下以人參一兩少加升麻一

兩卽愈所謂塞因塞用也 有胃強弱弱者能食而不能化也

平胃散加炒鹽胡椒山查麥芽神麴白茯苓丸服更節飲食

○不能食

傷食惡食已詳飲食門此舉他証言之耳大抵不能食由于

胃滿致滿非一有寒氣滯于胃而滿者有熱氣壅于胃而滿

者有濕痰不運而滿者有命門火衰致脾胃虛寒而滿者有腎

水不足虛火土冲而滿者 寒滯者六君子見加乾薑 熱壅

者石膏白芍枳實黃連陳皮之屬 濕者除濕湯見中平胃散

見傷痰者二陳湯見痰積痞隔皂筴燒存性研末酒調服一

錢 腎火虛者八味丸見虛二神丸 腎水虛者六味丸見虛

其有飢而不能食者脾熱則消穀而飢本欲食因胃脘枯槁

不能納或火熱上冲或痰涎上壅食不得下也若緣脾胃衰敗

之極欲食不能則殆矣 熱則消穀善飢乃熱而能運行者若

壅滯不行則不能食矣

○勞倦傷

勞則氣耗以喘而汗出喘則氣內越汗出則氣外越故耗也又

勞則動火火動則氣益散氣愈虛則火愈炎矣氣盛則運而不

故不見其爲火氣虛則不能運而火聚聚故炎也然非特勞爲然也七情過甚色慾過

度飲食不時皆能傷其真氣皆能生火火爲元氣之賊壯火食

氣一盛則一衰火聚于中脾胃受熱則困倦四肢痠悶注住也

四肢痠悶在而無氣以動動即喘乏脾失健運之常陰陽和平

不去或走注也偏勝則不運矣寒即不思食口不知味飲食日少穀氣不盛氣

固有之熱亦宜然則衰則資于飲食乃穀氣又以故氣不能升而上焦不行不能下降

衰則愈不運而鬱積矣

而下腕不通止鬱于脾胃之中而作熱熱氣上蒸于胸外透于

表以故氣喘心煩頭痛而渴或不渴

津液或存或亡之故

表熱自汗或皮

膚不任風寒而生寒熱脈浮大而虛春夏劇秋冬瘥謂之陽虛

內熱病者首宜安心靜坐以存養其氣而以酸味收其散越甘

溫補其虛衰

按東垣云經曰勞者溫之損者溫之又曰溫能除大熱是也大忌苦寒之藥損其胃氣王安道駁之

白經謂勞者溫之溫乃溫養之謂凡調其飲食適其起居與用藥調養皆是非溫涼之溫損者溫之經原作損者益之溫能除

大熱偏放內經無此語又曰溫能除熱亦惟氣溫而味甘者斯可耳益溫能益氣甘能緩火也愚謂安道此論甚是可為妄用

附桂者當頭一棒

又以甘寒瀉其熱火東垣特立補中益氣湯

見中者

何胃也氣生于胃益天元真氣雖五藏皆具而必得後天水穀

之氣充養乃能生生不息胃獨為水穀之海飲食入胃其精氣

遊行淫溢藉脾之運行以上輪于肺而充營衛布周身故言氣

必歸之胃也胃氣虛則下陷于肝腎故用參芪以補其虛黃芪

又能益肺固表不令自汗以泄元氣甘草能瀉脾胃之火火性急

以緩之即為瀉也若脾胃太虛腹中急痛甘草宜多用升麻柴胡二物

味薄陰中之陽從地升天者也能引清氣上行以舉其下陷兼

引參耆甘草等甘溫之氣上升以補衛氣之解散而實表清濁

相干清不升則濁不降反混于清腸之位用去白陳皮以理之又能助陽氣上升

以散滯氣白朮苦甘溫除胃中熱利腰膝間血脾得補則氣盛而濕行熱泄血

氣流通也火盛則血虧血中有火日漸煎熬血減則心無所養致心

煩亂病名曰恍惚者煩悶不安也故以當歸補血又得入參補

陽爲陽生陰長之用已上補中益氣方共八味火雖屬心而起於下焦腎中

之陰火也火旺則腎水虛少加黃柏以瀉陰火救腎水如煩猶

不止加生地黃以滋腎腎水旺則心火自降如氣浮心亂別以

硃砂安神丸見煩躁鎮固之若更煩亂血不足也如腹中或周身

有刺痛血不足而澁滯也加當歸身五分或一錢如精神短少

加入參五分五味子十二個頭痛加蔓荊子三分痛甚加川芎

五分頂腦加藁本五分細辛三分諸頭痛並用此四味足矣若

兼頭上熱風熱上盛則此不能治別以清空膏見頭痛主之如頭痛有

痰沉重懶倦乃太陰濕土痰厥頭痛加半夏五分生薑三分耳

鳴目黃頰頰腫頸肩膈肘臂外後腋痛面赤脈洪大者皆風熱上攻也

屬手太 羌活二錢防風藁本各七分甘草五分通其經血風熱

經脈不行故腫痛也加黃連黃芩各七分以清熱消腫人參五分黃耆七

分益氣而瀉火氣旺則通另作一服與之噤痛領腫加黃芩甘

草各三分桔梗七分口乾噤乾胃中津液不升加葛根五分升胃氣以

上潤之久病痰嗽肺中伏火去人參初病勿去之初病指未嗽時言正精參

以補氣故不可去若冬月或春寒秋涼加不去根節麻黃五分

如春令大溫只加佛耳草欬冬花各五分夏月加五味子三五

枚去心麥冬五分夏月不嗽亦加人參三二分并五味麥冬救

肺受火邪也如舌上白滑胎者舌上白潤是胸中有寒勿用麥冬

五味食不下乃胸中胃上有寒或氣滯滯加青皮木香各三分

陳皮五分此三味爲定法如冬月加益智仁草豆蔻各五分如夏月加黃連黃芩各五如秋涼加檳榔草豆蔻白豆蔻縮砂各五分如春寒少加辛熱之品以補春陽之不足益智草豆蔻可也胸中氣滯宜青皮如氣促氣少去之心下痞有寒有熱二者皆能

使氣不如覺寒熱兼者加附子黃連各一錢寒痞不能食加生

薑陳皮各一錢熱痞能食加黃連五分枳實三分脈緩有痰而

痞加半夏黃連各一錢脈弦四肢滿悶便難肝熱滯于脾不能

痞加柴胡七分黃連五分甘草三分痞而大悶加芍藥黃連各

一錢痞而腹脹加枳實木香縮砂各三分厚朴七分如天寒少

加薑桂腹中痛者加白芍五分炙甘草三分肝熱故滿腹中痛

寒飲其熱甘草緩其急而扶脾如惡寒冷痛加桂心三分如惡熱喜寒而痛土

已加白芍甘草中更加生黃芩三二分夏月腹痛雖不惡熱亦

然治時熱也苦惡寒則不可加矣如天涼時惡熱而痛于已加白芍甘草

黃芩中更少加桂如天寒去芍藥加益智仁三分或加半夏五

分取其辛溫生薑三片如腹痛惡寒脈弦是木尅土小建中湯主之

內芍藥味酸于土中瀉木為君寒証而用芍藥之寒何也蓋取其收斂肝之散滿且有桂可制

也其寒如脈沉細腹中痛理中湯見中乾薑辛熱于土中瀉水為

主此是腎脇下痛或締急俱加柴胡三五分甘草三分臍下痛

虛加熟地五分立止如不止乃寒也更加桂三二分如脈緩體

重飢痛腹脹白利米穀不化濕也平胃散見傷身體重者濕加

去桂五苓散一錢如風濕相搏一身盡痛加羌活七分防

風藥本根各五分升麻蒼朮各一錢勿用五苓為風藥已能勝

濕也別作一服與之病去勿再服小便遺失肺氣虛不能攝也

宜安臥養氣黃芪人參補之不愈是熱也熱下迫也加黃柏生地各

五分如臥而多驚小便淋者邪在少陽厥陰宜太陽經所加之

藥指羌防藁本等味肝火更添柴胡五分如淋觀此二字知上

言加濕瀉五分此下焦風寒合病也風寒猶經云肝腎之病同

一治為俱在下焦也非風藥行經則不可故宜太陽經所加藥乃受客邪

之濕熱也肝腎受熱故臥而多驚受熱不行故淋也宜升舉發散以除之風藥能散熱除濕也

大便秘澁加當歸稍一錢潤而下行血藥也大便秘澁大黃酒洗

或一錢仍不行者煎成正藥先用清者一口調元明粉

或一錢得行即止不宜大下致變凶証脚膝痠軟行步乏

痛乃肝腎伏熱熱則軟弱寒則堅勁凡物皆然加黃栢五分空心服不已

加漢防已五分脉緩沉困怠倦無力者加蒼米澤瀉人參白

朮伏苓以治濕熱五味子利濕防濕氣故以此收之凡清熱也右補中益氣一方加減

觀此句則上文所云加減初病熱中則可用若寒中則不可用

但就補中益氣一方而言初病熱中則可用若寒中則不可用

勞役傷氣有熱中熱熱中則可用蓋此為甘酸之劑適足以益其病且如

參芪甘草芍藥五味子之類是也不能治寒也甘滯酸飲皆不能行散寒氣也

按陽虛內熱與外感風寒之証相類其辨別處詳四診問寒熱

係中夫內傷脾胃乃傷其氣外感風寒乃傷其形營衛血脈傷乃形也

其外則為有餘

邪氣有餘

有餘者瀉之吐汗下皆瀉也傷其內則不

足

正氣不足

不足者補之溫和調養皆補也誤治則有實實虛虛之

禍矣若內傷而兼外感亦只用補中益氣湯一二服得微汗即

已非正發汗乃陰陽和

猶云氣充

自然汗出也

又有時當夏令兼受暑邪肌膚壯熱煩躁悶亂惡熱大渴引飲

氣上喘促目赤面紅身體疼痛日西譫語証似傷寒陽明經白

虎証者誤服白虎湯

見發熱

必死白虎証脈洪大有力此洪大而

虛重按全無氣血兩虛也經曰血虛則脈虛而發熱宜清益氣

湯

見傷暑

或當歸補血湯

見血

寒中者乃水來侮土寒濕之証腹脹

寒濕不運

胃腕當心而痛

亦氣不運

致胸噎不通或涎唾寒濕上泛或清涕肺寒涕冷或多溺氣虛寒濕盛不能攝足下

痛不能任身履地足寒氣不運故痛也骨乏無力腎虛兩丸多冷陰陰作痛

或妄見鬼狀夢見亡人陽虛見鬼無非陰象腰背皆痛不渴脈遲細或盛

大以瀉盛弦勁有力之意盛大寒實也如寒痰冷食之類寒滯氣血不行故瀉也治用神聖復氣湯

見腹白朮附子湯草豆蔻丸見心或用理中湯見中加減臍下

築者腎氣動欲作奔豚也氣壅而不行則築築然動跳白朮壅

滯去之而加肉桂以溫散之吐多亦因氣壅而逆去白朮加生

薑若瀉多則留白朮正取其壅補使氣不下泄且瀉者多濕木

又能勝濕也心悸者加茯苓飲聚則心神被水寒所迫不安故

悸茯苓以利之渴者倍白朮水濕凝滯氣不布化則津液不生

故渴木除濕濕去則氣行而津生也腹痛加人參氣虛則不運

不通而痛故加參以補氣寒加乾薑腹滿去白朮加附子附子

味辛熱熱能勝寒辛能散滿或用建中湯飴糖甘草以益土薑

桂以散寒且辛潤能通營衛芍藥酸收津液不通收而行之既

通何以用酸收益氣散漫不行故津液性微寒以濟薑桂之熱

不流通收聚其氣而後津液能行也使不傷陰氣也嘔家不可用此湯以甜也
甜則帶而滿悶

內傷氣虛多汗調中益氣湯即補中益氣湯加白芍五味也以

收耗散之氣又補中益氣湯除當歸白朮加木香蒼朮亦名調

中益氣湯有濕而氣滯者宜之若濕多熱少清陽爲濕所鬱不

得上升其証身重而痛二便不調灑灑惡寒陽不慘慘不樂陽不

得升陽益胃湯

見惡寒

若過食寒涼遏火陽鬱于脾飢膚困熱烙

手惡寒脈洪數升陽散火湯火鬱湯

見發熱

若熱多濕少陰火困

脾陽不上升補中益氣湯去白朮當歸陳皮加石膏黃芩黃連

蒼朮羌活若腎火上蒸時顯燥熱加生地黃柏

凡言補之以辛甘溫熱之劑及味之薄者乃助春夏之升浮即

瀉秋冬之收藏也凡言瀉之以酸苦寒涼之劑及淡滲之味者

乃助秋冬之沉降即瀉春夏之升浮也

心肝同春夏論肺腎同秋冬論

○虛損癆瘵

虛者血氣不足也久則肌膚臧府亦漸消損故曰虛損勞者久

為病苦不得安息如勞苦不息者然又其病多為勞心勞力房

勞所致又其証多屬火勞字從力從二火故曰勞也瘵者敗也
証至於勞則敗壞矣前人分爲五勞曰肺勞其証面浮氣短皮
枯毛悴漸惡寒咳嗽不寧曰心勞其証血脈虛少男子面無
血色女人月經不通曰脾勞其証飲食減少肌肉消削大便溏
泄曰肝勞其証口苦目病胸脇引痛筋病不能行曰腎勞其証
骨痿不能久立腰背不利午後發熱盜汗骨蒸小便黃赤而有
餘瀝莖中痛小腹滿急又分六極曰氣極肺病極也喘促衝胸
怛欲怒氣少不足以言曰血極心病極也面無血色頭髮墮落
心痛唇舌紅赤曰肉極脾病極也肌肉消瘦四支倦弱身上常
如鼠走曰筋極肝病極也數轉筋爪甲枯痛手足拘攣脇下痛

曰骨極腎病極也手足痛脊腰痛不能久立牙齒動曰精極藏
府皆虛極也身無膏澤眼無精光耳常聾鳴精神短乏遺精白
濁骨髓空虛又分七傷曰陰寒曰陰痿曰裏急曰精速曰精少
陰下濕曰精滑曰小便苦數臨事不舉又曰大飽傷脾大怒氣
逆傷肝強力舉重久坐濕地傷腎形寒飲冷傷肺憂愁思慮傷
心風雨寒暑傷形大恐懼不節傷志益積傷而成勞積勞而致
極非一朝一夕之故矣 舊說感寒則損陽陽虛而復感外感
寒則損陽分也感
熱則損陰陰虛更生內
熱則損陰分損傷者自上而下初損肺皮聚毛落二
損心血脈空虛三損脾飲食不爲肌膚四損肝脇痛筋病五損
腎骨痿不能起床損至腎則死矣所謂五藏之傷窮必及腎損

陰者則反此自下而上至肺而死所謂內傷以有咳嗽為重

嗽然寒損陽熱損陰及肺腎上下皆舉隅之論耳蓋風寒濕三

者並能鬱肺氣成熱暑火燥三者亦並能傷肺氣致熱悲傷亦

動肺火固不獨形寒飲冷能傷肺也腎水虛則熱火虛則寒強

力舉重房勞不節恐懼不解等皆能傷腎固不止于熱也又或

飲食先傷其脾思慮先傷其心鬱怒先傷其肝然後以次傳及

諸藏者有矣寧必先傷肺與腎哉 大綱須分氣血陰陽氣虛

者四君子湯補中益氣湯並見保元湯等不外扶脾保肺血虛

者四物湯當歸補血湯並見地骨皮飲六物湯血虛而加味四

物湯血虛寒熱等二方並見不外養肝清心氣血兩虛者十全大

補湯人參養榮湯等所謂陰陽皆指腎言陽虛者腎中之火虛

也脈右尺必弱八味丸主之陰虛者腎中之水虛也脈必細數

六味丸主之辨証之法陰虛者常熱大便燥結小便赤澀足心

如烙形體消瘦陽虛者多寒亦有戴陽格陽等証身體大熱不

常常如是大便時溏小便清白腰足冷神氣短怯肝傷補肝湯道

遙散見肺傷加味救肺飲心傷天王補心丹脾傷歸脾湯見此

大概也五藏之傷腎為最重腎虛則骨蒸潮熱或午後或日汗

盜汗形體消瘦口乾咽燥聲嘶音啞消渴淋瀝遺精失血易生

嗔怒乾咳痰嗽不眠煩躁恍惚怔忡皆水虛火炎所致六味地

黃湯為主勞嗽加五味子或合生脈散見中熱甚暫加知柏大

抵水虛者十之八九附桂勿輕用也。丹溪主乎陰虛故午後

發熱午後屬陰陰虛盜汗痰涎上逆頻吐不絕升屬陽降屬陰

得脈浮取則洪大沉取則空虛用四物加知柏後人遵用而不

效何也蓋歸芎皆辛香上竄非降火之藥知柏苦寒瀉實火虛

火則非所宜徒然傷胃故也改用葦以仁百合二冬桑根白皮

地骨皮丹皮枇杷葉五味子酸棗仁之屬佐以生地汁藕汁乳

汁童便有痰加貝母以保肺而滋水源無不應手取效蓋諸藥

皆稟燥富涼字看降收之氣氣之薄者為陽中之陰從陽分而下降

則能降上升之火又其氣清涼如當暑熱之時而商飈倏動則

炎歊如失與治暑証用白虎湯見發熱同意然彼是外感証屬有

餘故用沉寒之品此為內傷証屬不足但用燥降收之劑足矣

此用藥之權衡也故曰氣虛則生脈散見中不言白朮血虛則

三才丸不言四物 凡治水虛者以脾腎兼顧為難蓋水虛宜

用涼潤以補肺腎而每滯脾故過用寒涼者脾必敗猶勞証多

死于泄瀉可知也須間進甘溫之品或行滯快氣之藥以扶脾

然不得過于辛燥以及耗腎水若火虛者脾腎皆寒一味溫補

無所顧忌故曰受溫補者易流人參一味除肺壅熱脈洪數

者不宜外餘証皆不可少王節齋服參必死之說大是誤人再

人參生涼熱溫本非熱品又質重氣薄當是益陰之品本草謂是補氣當是陽根于陰之義請質之高明病久虛

弱厭厭不能食和中丸能食男子肌瘦氣弱咳嗽漸成勞瘵

猪肚丸服之即肥服寒涼藥証雖大減脈反加數者陽鬱也

宜升宜補大忌寒涼犯之必死有重陰覆其陽火不得伸酒

酒惡寒或志不樂或脈弦數四支五心煩熱者火鬱湯柴胡升

麻湯並見發熱病去即已 有面色如故肌體自充外看如無病內

實虛損俗呼爲桃花蛙當看有何証如法治之 虛勞之疾百

脈空虛非精膩之物填之不能實也精血枯涸非滋潤之物濡

之不能潤也宜參芪地黃二冬枸杞五味之屬各煎膏另用青

蒿以童便熬膏及生地白蓮藕薄荷等汁入乳隔湯煉過酌定

多少并麋角膠霞天膏見積聚和合成膏每用數匙湯化服如欲

行瘀血加入醋製水黃末玄明粉桃仁泥豕汁之屬欲止血加

入京墨之屬欲行痰加入竹瀝之屬欲降火加入童便之屬

凡虛勞之証大抵心下引脇俱疼蓋滯氣不散新血不行也尤

宜用膏子加韭汁桃仁泥柴胡爲升清散鬱之品故骨蒸用

以透肌解熱用銀州者佳然不可常服爲其疎散故也陰虛

火動陽常舉皮硝放手心兩手合住自化陽卽痿矣証本陰

虛若呼吸少氣懶言語無力動作目無精光面色眊白乃兼陽

虛也人參麥冬各三錢五味子二十一粒橘皮桔梗炙甘草各

五錢爲末水浸油餅爲丸如雞頭子大每服一九嚼津嚥下

虛損久爲勞瘵積熱骨蒸熱深入骨髓中蒸達于外咳嗽唾血肌膚甲錯乾

枯槁如鱗甲之相錯面目黑暗無光偏睡聲啞咽痛頸生瘰癧兩脇疼痛

轉筋拘急或周身筋骨皆痛夜夢鬼交即夢時多忿怒五心煩

熱頭髮作穗面唇時紅如傳臙脂大便不調小便淋濁此腎水

竭肝血虧無以制火使然火灼血乾雖用滋陰之劑亦不得效

以死血不去則經脈壅塞氣血無以流通熱終不除也若其人

能食而大便結者尙堪攻下急用大黃蠶蟲九陳大夫傳仲景

九互以行其死血卽無死血而積熱不除非下行無以折其勢

亦當暫用大黃青蒿煎導之古方柴胡飲子防風當歸飲子麥

然後隨証調理若不能食而泄瀉不堪攻下者必死勞瘵日

久或生惡蟲敗血濕熱所化蛀蝕藏府久而通靈變化無常身死之後

傳染子孫其則滅門名曰傳屍勞宜癸亥日二更後灸兩腰眼

各七壯

灸見針

後服傳屍將軍丸

膏肓四花穴可灸

灸見針

獺

肝一具陰乾爲末水服方寸七日三服效未知再服大抵以

保養精血爲上去蟲次之安息蘇合阿魏麝香犀角丹砂雄黃

固驅邪之品亦須加天靈蓋于中蓋傳屍之蟲鬼氣也伏而未

起一得枯骸則鬼氣飛越附之不復着人可瀉而出外此則虎

牙鯉魚頭骨亦可此乃食人之物鬼所畏者也先用芎歸血餘

散吞北斗符次用鱉甲生犀散取蟲餘法詳準繩虛損勞瘵

屬陰虛者多必形消着骨而後死可見也以陰主形陰全竭而

後形全毀也若是陽虛則有形盛而脫死者矣以陽主氣氣脫

者不必待其形之脫也真藏脈見者卽形肉尙存亦不久矣

大骨枯槁

顙股腰之骨
痠痛不能支

大肉陷

頭項四支大肉
肉消陷成坑

動作精神衰即

真藏脈不見亦不過一歲死若更喘滿動形半年死若更痛引

肩胸

五藏
內損

一月死若更破胸

消陷之處
枯燥破裂

身熱不已十日死兼以

真藏脈見目眶下陷視不見人即死矣若能見人爲神尚未去

至所不勝之日時而死 虛勞危証不受補大便泄瀉筋骨痛

極偏睡失音脈弦數皆危証也

○火

凡病多屬火。丹溪謂氣有餘更是火。此一火也。治宜清涼。氣不足亦鬱而成火。東垣所謂陽虛發熱也。又一火也。治宜甘溫以補其氣。少加甘寒以瀉其火。外感暑熱燥氣增助內氣成熱。此

一火也。治宜辛潤清涼。外感風寒濕氣閉鬱。乘氣成熱。亦一火也。治宜辛溫發散。內傷飲食辛熱之物。致火得熱益熾。此一火也。宜以苦寒之劑消導之。內傷飲食生冷之物。致火被遏愈怒。又一火也。治宜辛熱之劑消導之。腎水虛致令下焦之火上炎。此一火也。治宜六味。見虛損壯水以制陽光。腎陰盛逼其浮遊之火上升。又一火也。治宜八味。見虛損益火以消陰翳。又凡動皆屬火。醉飽火起于胃。大怒火起于肝。悲哀火起于肺。房勞火起于腎。五藏火熾。心火自焚。種種已散見于各篇中。而發熱篇更詳。關白見。夫人非寒則熱。非實則虛耳。今寒熱虛實皆能生火。然則凡病多屬火。河間丹溪之言。豈不信哉。而張景岳輩不達。

其旨極力調詆。亦已過矣。或曰。虛火既不可用寒涼。是有火之名。無火之實。故景岳諸公直謂之非火。子何訾之乎。曰。虛火不可用寒涼。謂苦寒之味耳。若甘寒之品。何可廢乎。蓋虛火有二。其一可用溫熱。如內寒外熱。下寒上熱等証是也。目爲非火。猶可也。其一宜用甘寒。水虛火炎者是也。目爲非實火。則可。竟目爲非火。可乎。至如滯下消渴。吞酸蟲疳等証。明明屬熱者。亦概目爲非火。且反謂之爲寒。真菽麥不辨者矣。彼意以爲必目之爲非火。而後人不敢用寒涼。不知立論失實。徒起後人之疑也。今夫驚馬之駕而敗。盡人而知之矣。直言此爲驚馬。不可駕。未有不信者也。必謂之非馬也。鹿也。誰則信之乎。不信則有駕之

而賊者矣。是非火之說。固將使人不信。而用寒涼也。執若仍其虛火之名。而明夫不可用寒涼之故。之爲實而可信哉。

或謂上世人所稟厚實。可任攻伐。晚近人所稟薄弱。止宜溫補。謬也。丹溪去景岳不過二百餘年。如果稟賦強弱相懸。如是將數千百年而後。人皆變爲陰鬼乎。惟古人謂勞擾之多火。與安靜者不同。黑瘦之人多火。與肥白者不同。其說深爲得理。

桂附引火歸原。此爲下寒上熱者言之。若水涸火炎之証。上

皆熱。不知用此引火。引歸何處。今日醫者動用桂附。動云引火

歸元。殺人如麻。可歎也。

說詳八味丸方註

凡病有形者是痰。無形者是火。如紅腫結塊。或痛或不痛。皆形

也。按結塊腫而不痛不紅者純但痛不腫者無形也。火也。

又謂濕火腫而不痛燥又謂脈痛是濕火筋縮痛是燥火。又謂

火痛而不腫亦此意也。筋不縮則直是一曲即縮是火蓋火性欲舒伸一屈

則激而暴發陡然抽掣觀蛇之動而掣曲是其象也。又謂火証

睡覺忽腰背重滯轉覺不便。睡則火飲于內蒸其血液滯

薄衣不冷非壯盛食時有涕無痰。痰為食厭暫下故無痰火氣

不食時有痰無涕。弱証左側睡則心左墜一響石側睡則心

石墜一響。則弱証人血少易于動故轉側心中滴滴噹噹響。火

搏擊心頭眩耳鳴。心火黃連生地木通。小腸火木通。肝

火柴胡片芩佐之。胆火龍胆草。脾火白芍。胃火石膏。

肺火黃芩桑皮佐之。大腸火子芩。腎膀胱火知母黃柏。

凡用知柏芩連等寒藥。少加枳壳行之。否則凝滯。又寒涼藥不可久服。致傷脾胃不救。三焦火山梔。上中二焦火連翹。

虛火薑皮竹葉麥冬童便生甘草生薑緩之散之。或參芪等補之。實火熱甚。黃芩黃連山梔黃柏宜下者。芒硝大黃。血虛

發熱當歸生熟地。無根之火遊行作熱。腎水乾涸相火上炎也。陽以陰為根。腎陰

虛故六味丸。見虛損加元參作湯服。氣如火從脚下起入腹。

腎陽虛十不救。六味加肉桂。錢五作湯。外用附子末。津調塗湧

泉穴。引火下行。燥火歸地麥冬。濕火蒼朮茯苓猪苓木通。

鬱火重按烙手。輕按不覺。取汗則愈。通食生冷遏少陽之

火于脾部者。升柴葛根羌活細辛香附葱白。肝火鬱毒黛。

○鬱

鬱者滯而不通之義百病皆生於鬱人若氣血流通病安從作
一有拂鬱當升不升當降不降當化不化或鬱於氣或鬱於血
病斯作矣凡脈見沉伏結促弦澁氣色青滯意思不舒胸脇脹
痛嘔吐酸苦者是也治法經言木鬱達之火鬱發之土鬱奪之
金鬱泄之水鬱折之解者以吐訓達以汗訓發以下訓奪以解
表利小便訓泄以制其衝逆訓折大概如此不必泥定何則木
鬱者肝氣不舒也達取通暢之義但可以致其通暢不特升提
以上達之發汗以外達之甚而瀉奪以下達之無非達也安在
其泥于吐哉餘倣此

得見有病熱發汗不出者以承氣湯下之
裏氣一通餘邪自化汗以出豈非火鬱以

身爲發之義哉

丹溪分六鬱氣血濕火食痰也故制越鞠丸以香附

理氣撫芎行血蒼朮開濕梔子治火神麴消食痰鬱加貝母而

大要以理氣爲主蓋氣滯則血亦滯而飲食不行痰濕停積鬱

而成火氣行則敷者皆行故所重在氣不易之理也趙獻可則

以加味逍遙爲主

逍遙之歸芍卽越鞠之川芎逍遙之白朮卽越鞠之蒼朮逍遙之陳皮卽越鞠之神麴逍

遙之柴胡卽越鞠之香附逍遙之加味卽越鞠之梔子也謂肝胆少陽木氣象草穿地而出

此時被寒風一鬱卽萎軟遏抑而不能上伸惟溫風一吹卽暢

達蓋木喜風風搖卽舒暢寒風則畏溫風則喜柴胡薄荷辛而

溫者辛故能發散溫故入少陽其鬱甚而熱者加左金丸見發熱

熱非寒品不除故用黃連治火實則瀉其子也鬱非辛熱不開

吳黃辛熱且氣燥肝之氣亦燥同氣相求故用爲反佐引以入

肝服後木鬱已舒繼用六味地黃湯見虛損加柴胡芍藥以滋腎

水逍遙風以散之也六味雨以潤之也未有不得其天者乎按

趙氏此論甚精但謂此方可以通治諸鬱則主張太過舉一廢

百烏平可也六淫七情皆足以致鬱如外傷于風寒濕三氣

皆足以閉遏陽氣鬱而成熱固也暑熱燥三氣亦足令氣鬱準

繩謂燥金收瀆收瀆則傷其分布之政不惟生氣不得升卽收

氣亦不得降不升屬肝鬱不降屬肺鬱經曰逆秋氣則太陰不收肺氣焦滿

又謂諸氣怫鬱皆屬于肺是燥氣之致鬱也又燥爲化火易曰

燥萬物者莫煖于火是燥之致鬱無非火熱之氣所爲也至于

七情除喜則氣舒暢外其憂思悲怒皆能令氣鬱結而痰食之
遏閉水濕之停阻又可知矣 准繩謂多在中焦蓋不論何

藏府鬱結皆關中土也又謂用藥兼升降蓋欲升之必先降之
而後得升也欲降之必先升之而後得降也越鞠之蒼朮足陽
明藥也氣味雄壯辛烈開發水穀氣上升之力多香附陰血中
快氣藥也下氣之功多一升一降互用也按上升下降則中焦
之鬱開矣 氣鬱胸脇痛脈沉而濡宜香附蒼朮撫芎 濕鬱
週身走痛或關節痛遇陰寒則發其脈沉細宜蒼朮川芎白芷
茯苓 熱鬱目瞤小便赤其脈沉數宜山梔青黛香附蒼朮撫
芎 痰鬱動則喘寸口脈沉滑宜海石香附南星瓜蒌仁 血

鬱四肢無力能食便紅其脈孤瀉宜桃仁紅花青黛川芎香附
食鬱愛酸腹滿不能食右寸脈緊盛宜香附蒼朮山查神麴
鍼砂 右諸鬱藥春加防風夏加蒼參秋冬加吳茱萸 蒼朮
撫芎總治諸鬱

按百病皆生于鬱與凡病皆屬火及風爲百病之長三句總只
一理蓋鬱未有不爲火者也火未有不由于鬱者也濃酒厚味房
勞損陰以致
火炎似無關于鬱然亦
必由不能運散乃然耳而鬱而不舒則皆肝木之病矣故曰知
其要者一言而終

○痰飲

痰本吾身之津液。隨氣運行。氣若和平。津流液布。百骸受其潤。

澤何致成痰爲病。苟氣失其清肅而過於熱。則津液受火煎熬。轉爲稠濁。或氣失其溫和而過於寒。則津液因寒積滯。漸致凝結。斯痰成矣。故痰一也。而因寒因熱。其源不同。可概治歟。辨別之法。古以黃稠者爲熱。稀白者爲寒。此特言其大概而不可泥也。試以外感言之。余嘗自驗傷風咳嗽。痰隨嗽出。頻數而多色皆稀白。誤作寒治。遂致困頓。後悟其理。方知爲熱極所致。蓋火盛壅遏。頻咳頻出。停留不久。故未至手黃稠耳。迨火衰氣平。咳嗽漸息。痰之出者。半日一口。反黃而稠。則火不上壅。痰得久留。受其煎煉所致。而病亦遂愈。方知黃稠之痰。火氣尙緩而微。稀白之痰。火勢反急而盛也。此皆當用辛涼解散。而不宜于溫熱。

者也。又以内傷言之。腎火虛。水泛爲痰。其痰清稀。當用溫熱固也。即腎火盛。水沸爲痰。其痰亦清稀。蓋龍雷動而雨水隨之。卒然上湧。雖畧帶濁沫。終非黃稠可比。亦宜用甘寒壯水而不宜於溫熱者也。孰謂稀白之痰。必屬於寒哉。大抵稀白而吐疎者。必屬寒。予嘗吐痰出喉冰冷。雖咳嗽頻併而不咳之多時。仍是疎非數用溫胃。繳肺之藥而愈。然又有痰出喉甚冷而証仍屬熱者。蓋痰本水屬。積久而多則火不能溫也。故張子和謂新痰熱。舊痰寒。吐數而因傷風鬱熱者。及內傷雷龍火動者。必屬熱。因于脾氣虛寒。不能攝涎。頻吐徧地者。必屬寒。其人安靜無他。既非傷風。此等須細爲辨別。更咳嗽又非雷龍火動可執。有氣化之津液。有飲食之津液。胃者津液之海也。故痰聚焉。積久聚多。隨脾胃之氣以四訖。則流溢于

腸胃之外。軀壳之中。經絡爲之壅塞。皮肉爲之麻木。甚至結成
瘰癧。牢不可破。其患固不一矣。法在平調其氣。熱者使復清肅。
之常。涼風生而濕土燥。寒者使同陽和之令。旭日出而堅冰消。
氣得其平。痰源以絕。而後其停蓄于腸胃之內。肌膚之中者。乃
可徐圖。否則根株不拔。旋去旋生。無奏効之日矣。更有一妙義。
痰隨氣行。既隨氣以出于腸胃之外。亦隨氣以入于腸胃之內。
若潮之往返。然人身之氣。日則行于外。夜則返于內者也。故遇
夜安臥。晨醒盥嗽。則吐痰獨多。豈非痰隨夜氣內返于胃之故
乎。然則往者必令復返。外者必令復內。乃有出路。否則迷留經
絡之中。難于消導矣。喻嘉言發明此理。謂人不宜夜食。恐脾胃

之氣因食運動外達而不內收。痰難返胃。誠爲篤論。然遇夜而勞擾不息。更屬大戒。舉一返三。喻氏之說。所當推廣也。

風痰屬肝。脈弦面青。肢體痛悶。麻痺。便溺秘濇。詳二便及中風門心多

鬱怒。或成癱瘓。搐搦眩暈。水菴金花丸。川芎丸。防風丸。祛風丸。

導痰丸。星半天麻牙皂蠟蚕秦丸。皆治風痰。可用吐法。或因痰

悶絕。烏藥枳壳明星薑汁灌之。卽醒。

熱痰屬心。脈洪面赤煩熱燥渴。多笑眩暈嘈雜。頭風爛眼。或背

心一點冰冷。痰多稠濁。小黃丸。黃芩利膈丸。見痰丸當下者。

控涎丹。加益硝等分。每服三兩丸。瓜蒌仁。芩連青黛山梔。冬

竹瀝。隨便可用。因暑得者消暑丸。見暑

濕痰屬脾。脈緩。面黃。支體重。倦弱嗜臥。腹脹。食不消。性溫。潤。能
不利。或作腫塊。麻木不仁。白朮丸。二米星半茯苓澤瀉可用。腫
塊加乳沒。臂痛加薄桂薑黃。肋脹加柴胡白芥青皮。懷痰丸最
利。飲盛者小胃丹。濕痰多而易出。痰之動濕也。主于脾。或
由脾氣壅滯不行。或由脾氣虛寒不運而生。

氣痰屬肺。脈澀。面白。氣上喘促。洒淅寒熱。悲愁不樂。攻注走刺
不定。兩肋脹痛。玉粉丸。局方桔梗湯。二陳湯。去甘草加香附木
香砂仁枳殼烏藥蘇子青皮竹瀝薑汁。氣鬱七氣湯。見越鞠丸。
痰少而粘連不易出。氣燥也。宜潤之。門冬地黃枸杞之屬。使
肺氣得清肅下行。

寒痰屬腎。脈沉。面黑。足寒。心多恐怖。痞塞骨痺。四支不舉。薑桂
丸。局方胡椒理中丸。乾薑決不可少。甚則加桂。麻黃細辛。痰
之本水也。原于腎。腎火虛則水泛為痰。其痰清。八味丸。火盛則
水沸為痰有濁沫。六味丸。水沸為痰暴壅也。若火非湧盛而但
熱涸者。痰則稠粘。此二者皆屬干熱。
不作
寒論

又有因驚而心神出舍。舍空痰入。多成心痛癰疾。婦人因產受
驚。多有此証。腹有如孕一塊。轉動躍跳。痛不可忍。甘遂大戟白
芥子加硃砂。痛加全蝎。成塊加山甲炒驚甲。玄胡莪朮。

食積生痰。多成癰痢痞塊。口噤食臭。山查神麴麥芽枳壳木香
黃連滾痰丸亦妙。或保和丸。見傷
飲食飲酒生痰常多嘔惡。食不

美。妙。應。九。加雄黃金鰯各二錢。每服十丸。

老痰即鬱痰。結成粘塊。吐咯不出。非南星半夏茯苓蒼朮可治。青黛爲主。五倍海石苦梗旋覆花瓜蒌仁芒硝。痰核痰結喉嚨如梅核狀。用梅子半青半黃每一個。用鹽一兩。浸晒數次。以水盡爲度。用大錢三個夾梅兩個。麻線扎定。貯瓦罐埋地下百日。含口中。汁下卽消。又一法。用海石烏梅瓜蒌桔梗芒硝射干海藻薑汁蜜爲丸。又見咽喉

頭面頸項身之中下有結核。不紅不痛不硬不作膿。皆痰核。脾肺氣逆。痰滯于內。順氣消痰自愈。亦有鬱怒傷損肝脾。血病結核者。宜養血清肝火。外用白果肉南星搗貼。

痰在鼻。習習如臥芒刺如蟲行。或走注疼痛。或燥癢搔之則癢。疹隱生。痰在皮毛。烘熱色如錦斑。痰在頭。偏頭風雷頭風。頭眩。痰在額。額悶痛。肩稜癢痛。痰在目。目暈。眼蠕動如蠶。蜇膠粘。癢澀。目中時出火星。眼前如見白氣。或見兩月交輝。或見金光數道。或眼前黑暗。或眼皮下烟灰黑色。痰在耳。輪癢。痛蟬鳴水響。痰在鼻。鼻塞或聞焦臭。痰在口。齒頰癢痛。牙床浮。口糜舌爛。口燥唾稠。嘔冷涎綠水黑汁。胡言不語。痰在面。形枯髮焦。頰腮腫硬似疹非疹。痰在頸項。無故腫繞頂結核。喉痺。痰如破絮桃膠蜆肉。咯不成咽不下。或噎塞煩悶如烟火上冲。頭面烘熱。或喉間豆腥。痰在四肢。肩背酸疼。腫硬似

疼非疼。或筋骨疼。無常處。難名狀。或手足麻。臂疼。膝疼。風濕。或條
然仆地。四肢厥冷。或麻木不仁。或重滯。或牽引。或舉非竹。漚
舊汗不開。二陳加枳壳。南星。木香。姜黃。一痰在心胸。噫氣吞酸。
嘈雜。或痛或噦。乾嘔也。或心下如停冰鐵。或驚悸怔忡。如畏人捕。
或胸膈迷悶。如癩呆狀。或痞滿健忘惡心。痰在脊背。脊上冰
冷。一條如線。或冰冷一點疼痛。或如熱湯沃背。痰在兩肋。肋
脹痛如湯沸。非白芥子不能達。痰在腰腎。腰間骨節卒痛。呼
吸難任。痰在二便。癰閉秘結。遺同米泔。糞後魚凍。婦人月水
不通。痰在足。足腕酸軟。步履如踏灰上。痰在夢寐。睡時驚
夢。刑戮刀兵。夢入人家。四壁圍繞。一竇得出。不知何所。夢在燒

人地上烟火。枯骨焦氣撲鼻。無路可出。或不因觸發忿怒悲啼而痛。怪誕百般。不可殫述。隱君悉以滾痰丸治之。

龐安常有言。人身無倒上之痰。天下無逆流之水。故善治痰者。不治痰而治氣。氣順則一身之津液亦隨氣而順矣。並宜蘇子降氣湯。氣導痰湯。各半貼和煎。或小半夏茯苓湯加枳實朱香各半錢。吞五套丸。或以五套丸料。依分兩作飲子。煎服亦好。按痰標也。所以致痰者本也。治病固當求本。然須看痰勢緩急。緩則治本固也。若痰勢盛急。度難行散。非攻無由去者。虛人可標本並治。補攻兼施。若勢甚緊急。則雖虛人亦當先攻後補。如中風之用三生飲。見諸中按涎丹是也。當此咽喉閉塞之時。不吐

去其痰。立即堵塞而死矣。昧者乃畏其虛而不敢用。獨不畏其死耶。夫人之虛莫虛于中風者矣。猶必先攻後補。乃于尋常虛人反畏之耶。準繩謂治痰固宜補脾。以復健運之常。使痰自化。然停積既久。如清吳羅退。痰濁臭穢。無所不有。若不疏通而欲澄治已壅之水。而使之清。決無是理。又謂凡病痰飲而變生諸証。不當爲諸証牽掣。且以治飲爲先。如頭風眉稜骨疼。累用風藥不效。投痰藥收功。眼赤羞明而痛。與涼藥弗瘳。投痰劑獲愈。云云。真格言也。按二証皆痰壅熱上。喻嘉言曰。脾之濕熱。胃之壯火。交煽互蒸。結爲濁痰。溢入上竅。久久不散。透開肺膜。結爲窠囊。窠囊之痰。如蜂子之穴。子房中。如蓮實之嵌於蓬內。生長則易剝。

洛則難。錄其外。窄中寬。任行驅導。徒傷他臟。此實閉拒而不納耳。究而言之。豈但窠囊之中。痰不易除。卽肺葉之外。膜原之間。頑痰膠結多年。如樹之有羅。如屋之有遊。如石之有苔。附托相安。倉卒有難於剗伐者。治法必靜以馭氣。使三陰之火不上逆。又必嚴以馭脾。使大陰之濕不上蒸。乃廣服大藥。以安和五臟。培養肺氣。肺金之氣一清。則周身之氣翕然從之下降。前此上升濁邪。允絕其源矣。又曰。人身之氣。經盛則注于絡。絡盛則注于經。窠囊之成。始于痰聚胃口。嘔時數動。胃氣胃氣動。則半從上出于喉。半從內入于絡。胃之絡貫膈者也。其氣奔人之急。則冲透膈膜而痰得以居之。日增一日。故治之甚難。必先云胃中

建疾而不嘔。不觸。俾胃經之氣不急。奔于絡。雖虛其胃。以聽。得中之氣。返還于胃。逐漸以藥。開導其壅。而滌去其痰。則自愈矣。又曰。李繼江常苦咳嗽。生痰。胸膈不寬。今夏秋間。臥床不起。頰。人皆再將家事分撥。安心服死。忽覺稍安。亦必死。則身康之一微也。未幾。仍與家事。其病復作。就診。見其頤旁有小小壘塊。數十高出。謂之曰。觀爾脈盛筋強。必當好色而喜。任奔走。本病宜發癰疽。所以得免者。以未享膏粱之奉。且火纔一動。使從精孔洩出耳。然雖不病癰。而病之所造。今更深矣。爾胸背肩髀間。巉岩如亂石。插天。櫛比如新笋。出土。嵌空如蜂窠之房。芒銳如棘栗之刺。每當火動。氣升。痰壅。緊逼之時。百苦交煎。求生不生。

求死不死。比桁楊之罪人。十倍過之。由好色作勞。氣不歸元。騰空而上。入于肝肺。散葉空隙之間。膜原之內者。日續一日。久久漸成熟路。只俟腎氣一動。千軍萬馬。乘機一時奔騰。有入無出。如潮不返海。潮兼天湧至。倘後潮不熄。則前潮不退。古今死於此病者。不知其幾。但爾體堅堪耐。是以病至太甚。尙自無患耳。爾宜歸家。休心息神。如同死去。俾火不妄動。則痰氣不爲助虐。胸背之堅壘。始有隙可入。吾急備藥。爲爾覆巢搗穴。可得痊也。渠以爲病未卽死。且往鄉徵租。因勞陡發。暴不可言。痰出如泉。聲響如錫。面大舌脹。喉哽目突。二日而卒。

飲者停水之名。又痰之清稀者。曰飲。故痰飲並稱。金匱謂飲有

四其人昔肥今瘦由津液盡化痰飲不復外充形體也水走腸間漑漑有聲曰痰

飲飲後水流脇下欬吐引痛曰懸飲懸結於脇中飲水流行歸

於四支當汗出而汗不出身體疼重謂之溢飲飲水乃有形之水非水精四布

之水止宜下行從小便出今不下行而旁達應從汗泄而不得

化汗以出故身體疼重即風水水腫之病也曰溢者言泛溢於

也四旁欬逆倚息氣短倚坐而倚物也以不得臥使然其

形如腫面多日支飲水停於胸在心肺之側如木之旁枝又謂

心下有留飲去名留背寒冷如掌大阻遏心陽脇下痛引缺盆

留於脇則碍肝氣故脇痛缺欬嗽則轉甚氣逆胸中有留飲其

益為十二經道路故引及之人短氣肺氣被而漑水阻氣不布不能化生津液四支歷節痛

留於身體則寒經絡故支痛由此推之留於脾分則腹脹身重

留於腎部則囊足脛腫理必然矣此言留飲及下文言伏飲乃

上四飲之 又謂膈上病痰 飲留膈上伏而不 滿喘欬吐 留伏日

總綱也 滿肺氣被迫而 發則寒熱背痛腰冷 發謂伏而發也今之值秋

喘咳且吐痰也 肺咳吐痰多寒熱背痛腰 目泣自出 咳甚則肺葉舉 振振身悶

疼俗名吼喘病者此也 必有伏飲 伏而難攻也比 又謂水停心下甚者

即擡肩搖身也 則悸 心氣為水所逼 微者短氣脈雙弦者寒也皆大下後裏虛

偏弦者飲也先渴後嘔 言飲水偏弦若大下裏虛虛寒相搏變 為雙弦也氣被水阻不能化生津液故

渴 小半夏茯苓湯此屬飲家 言平日多 又謂嘔家本渴 嘔家謂

水而嘔者乃別病也嘔 傷津液故本應作渴 渴者為欲解 病從嘔去故雖 今反不渴

心下有支飲故也 此辨証之法言卒然嘔吐則未知其為別病 之嘔歟抑留飲之吐歟則以嘔後渴不渴辨

之渴者是別病之嘔不渴者乃留飲之嘔也留飲未嘔之先亦 渴而嘔後反不渴者以嘔則水稍去而氣稍通能布化生津也

小半夏湯又謂心下痞半夏加茯苓湯臍下悸水悸心下則心

停臍下則吐涎沫觀此則上文所謂眩水通火五苓散見傷又

謂短氣有微飲水停心下甚者當從小便去之桂苓味甘湯腎

氣九即八味九金鑑云呼出為陽心肺主之吸入為陰肝腎主

未甘湯益土氣以行水按呼出氣自下而上故屬心肺呼氣短者

言水在上焦阻碍上焦呼吸之氣致令喘促也又謂脈浮而細

及舉呼以該吸非單言呼也吸氣微此勿泥看

滑傷飲初病未脈沉者有留飲經云沉滑水畜病者脈伏沉甚

其人欲自利水欲去不上出而此為留飲欲去也雖利心下續

堅滿乃伏飲盤結甘遂半夏湯甘遂甘草並用激之使出因已

陰又謂水在肝脇下支滿噎而痛氣動則水動水在腎心下悸

豎局 卷之二 痰 三

心當又謂支飲腹滿原文作胸滿從金鑑改之厚朴大黃湯又謂腹滿口苦

乾燥腸間有水氣即水聲已椒瀝黃丸防已椒目導飲從小便出大黃葶藶推飲從大便下

前後分消也又謂脈沉弦者懸飲內痛十棗湯見腫脹又謂溢飲當發

汗大小青龍湯又謂脈飲脈不弦但苦喘短氣不能臥肺飲即支飲

葶藶大棗湯見哮喘又謂膈間支飲喘滿心下痞堅自胸連膈盤結實甚面

色黧黑水邪深結之色脈沉緊得之數十日醫吐下之不愈盤結可知木防

已湯見喘主之方中用參以吐下後傷正也虛者即愈得參補之故愈實者三日復發

復與不愈去石膏惡其寒加芒硝結開茯苓下又謂脈弦數有寒飲

外寒而內鬱結冬夏難治冬用熱藥則妨其內之熱夏用寒藥則妨其外之寒也然不必泥又

謂久咳數歲詳下乃支飲瀆肺而咳也脈弱可治久病脈應弱脈大數者死脈虛

必苦冒其人本有支飲在胸中故也

氣虛停飲則清陽不升故昏冒如有物蔽之即傷

首如裹

治屬飲家

言不從咳嗽門治法也

按金匱

所言停飲証當與水腫門參看

張子和謂飲當去水溫補轉甚蓋寒飲在中反以熱藥從上投之為寒所拒水濕未除反增心火火既不降水反下注其上焦枯其下寒慄當依內經留者攻之十棗見腫神祐見腫之屬為宜次以淡劑流其餘蘊以降火之劑開其胃口自愈

痞滿

胸痺

痞塊

痞者痞塞不開滿者滿悶不行也痞滿與脹滿不同脹滿內滿而外脹起痞滿但內覺滿悶而外無脹急之形也有在胸在腹之分皆由中氣不運而所以致不運者則或寒而凝閉或熱而

膈脹或食滯痰停或氣結怒鬱或脾濕不化或血瘀不行皆能致之不特外邪陷入結塞而成如傷寒論所云也

在胸者理同胸痺金匱謂陽微寸脈微也陰強尺脈弦也即胸

痺而痛陰邪上入胸中微陽為寒所閉不通而痛責其極虛上焦又云平人無寒熱

非表邪也短氣不足以息者實也上言正虛此言邪實即經所謂邪之所湊其氣必虛留而不去其病

為實也實謂痰飲之類短氣不足以息以又云喘息咳唾胸背

痛短氣寸脈沉遲上焦關脈小緊數小為陽虛緊數為寒痛是中焦亦受病也寸遲

可疑括蕤薤白白酒湯辛溫行陽開痺又云胸痺不得臥心痛徹背者

此証更括蕤薤白半夏湯心痛徹背背痛徹心猶云痛無休息比上証又甚矣

烏頭赤石脂丸又云胸痺緩急者其痛或緩或急也意以附子散散視括蕤薤湯

為重鳥頭
凡為輕
又云胸中氣塞短氣証輕茯苓杏仁甘草湯或橘枳

薑湯胸為氣海陽邪干之則化火火性開不病痺也病痺必陰邪干之陰邪化水水性凝故令氣塞水盛于氣以茯苓湯利水氣盛于水

又云心下痞氣結在胸膈滿脇下逆搶心首條以橘枳湯行氣

又云心下痞諸逆心懸痛上條不過冲心此則心桂枝湯桂以伐肝人參湯上方散邪此方補正

又云心中痞諸逆心懸痛上條不過冲心此則心桂枝生薑枳

實湯 大抵胸為清陽之分濁陰干之則氣不行為虛痞甚則

痰涎停聚為實痞更甚則痛也東垣謂痞但滿而不痛視胸痺

有痛証雖不同理則無二 兀兀欲吐者吐之食鬱上焦者亦

然 一味枯薑子炒熟連皮煎或丸最能蕩滌胸中垢膩 在

腹中者黃芪補中湯加升柴結天地不交為否朱苓澤瀉降天

氣使下濟升麻柴胡升地氣使上行 飲食停滯輕者大消痞

九根太丸見傷飲食甚者檳榔丸見傷飲食下之 酒積雜病下之太過

致痞滿者升提其胃氣加血藥下多於陰故補其血 鬱者越鞠丸逍遙

散並見 濕者平胃散見傷飲食 合五苓見傷 氣滯四七湯見 痰

滯導痰湯見痰 脾弱不運者四君子湯異功散並見 挾死血

者丹皮江西紅麴穿山甲降香桃仁紅花當歸童便非汁之屬

鬱怒者加香附童便製 在腹亦有虛實之分實而積久成形即

名痞塊於積聚門求之

○積聚

積者有形之邪或食或痰或血積滯成塊時常硬痛始終不離

故處者在婦人則謂之癥瘕者徵也有形可驗也聚者無形之氣滯則聚行則散聚則有形而硬痛散則痛止形消忽此忽彼無有定處者在婦人謂之瘕瘕者假也假氣爲形而實非有形也形屬陰氣屬陽故積屬陰聚屬陽古分積屬臟在血分聚屬腑在氣分卽陰陽之義耳不必泥也至其病因則內經謂寒氣入腸胃則腸外汁沫凝聚不散日以成積又或飲食過飽或用力過度傷其腸胃之絡則血溢腸外與寒沫搏結成積或外中于寒而憂怒氣逆血凝液留皆成積可見外感內傷皆足以鬱滯其氣血痰液以成積聚而在婦人尤甚以婦人經產血行或食生冷或感風寒且多悲怒憂鬱易致瘀滯也

一食積

酒積附

証見噎腐吞酸腹滿惡食宜秘方化滯丸山查麥芽枳實神曲
阿魏礞石牽牛巴豆之類倒倉法最作 按食停腸內必棲泊
在隱曲之處乃能久而不下隱曲之處為地無幾必附益以腸
外之涎沫內外交結乃成大塊須兼治其痰飲乃效 酒積目
黃口乾肚腹脹痛少食宜葛根枳麥芽之類 酒濕熱傷脾痰
血積在左痰積在中大概如此不可泥

一痰積

水積附

証見麻木眩暈痞悶嘈雜其人平素多痰宜控涎丹 見痰
飲 硃砂
臞粉瓜蒂甘遂之類 水積足脰腫脹 必有
宜 郁李商陸甘遂

羣化之類

一血積

証見面色痿黃有蟹爪紋路血不能上榮也多怒善忘口燥便秘骨熱肢冷宜桃仁煎地榆蟲蟲水蛭之類

已上皆有形之積阻礙正氣故痛也而亦有不痛者日久則正氣另闢行徑不復與邪相爭或邪另結窠囊不礙氣血隧道之故此為難治以藥不易到也又食痰血數者皆無知之物不能移動故常在甘處然有飲汚井之水吞蚊蠅之精因而假血氣以成形含有活性時能蠢動游移者須以意治之如敗梳治虱瘰癧屑治龍瘕之類七瘕八瘕載千金方有蛟蛇狐蟹等名又積久則成瘕因經

絡壅滯鬱成濕熱以致口糜齩爛當兼用龍薈等丸見腸以清疔熱凡治積宜丸不宜湯必兼用膏藥熨貼及艾灸乃除以其在腸胃之外也

一氣聚

証必肚腹膨脹時痛時止得噉即寬旋復痛遊去攻刺宜木香檳榔枳殼牽牛之類不可下

右明積聚之理至下文所舉色目不過隨部位而異名總不出積與聚二端

心積名伏梁起臍上大如臂上至心下

心經氣鬱血滯所致

久不已令人

煩心宜大七氣湯加石菖蒲半夏兼吞伏梁丸肝積名肥氣在

左脇下如覆杯有頭足久不已令人嘔逆或胸脇痛引小腹足

寒轉筋寒熱如瘧肝經血氣鬱滯所致宜大七氣湯煎熟待冷淋燒鐵鐵

器乘服兼吞肥氣丸肺積名息實在右脇下大如覆杯氣逆背

痛或少氣善忘久不愈令人洒洒寒熱喘咳皮中時痛如蠶絲

針刺肺熱氣壅所致宜大七氣湯加桑白皮杏仁兼吞息實丸按內經謂脇下

積氣逆三三歲不已病名息積當是肥氣之屬非即此証

脾積名痞氣在胃脘大如覆盤痞寒不通心背痛飢減飽見腹

滿吐泄久則四肢不收發黃疸飲食不為肌膚足腫肉消宜大

七氣湯下紅丸子見傷飲食兼吞痞氣丸

腎積曰奔豚發于小腹上冲至心如豚狀上下無時少腹急腰

痛久不已令人喘逆骨痠宜大七氣湯倍桂加茴香炒練子肉
兼吞奔豚丸

痠在腹內近臍左右各有一條筋脈急痛大者如臂小者如指
有時而現如弦之狀故名痠

癖偏僻也僻居兩肋有時而痛

石瘕生胞中因寒氣客于子門惡血留聚日漸大狀如懷子此
氣先病血後病月事不以時下此血分病

腸覃寒客大腸外結瘕始如雞卵漸益大如懷孕此氣病血未
病故月水不斷此氣分病 上二者皆女子病似妊娠治法可用辛

熱如吳茱萸桂心附子加八消塊藥

脈法

沉弦爲積浮弦爲聚實大有力者生虛小衰弱者死

治法

大法結者散之客者除之留者行之堅者削之臍以軟之苦以

泄之辛以開之

義未三積聚
甲專治積聚

凡磨積之藥必用補正之藥兼

服消及半卽止過則傷正蓋壯人無積必正氣不足邪乃留滯

須分初中末三治初起正不甚弱邪尙淺可攻中則邪深正弱

可補瀉迭用末但補益正氣兼導達經脈使氣旺流通破殘之

邪不改自走矣 又日久則氣鬱已久其初卽寒至此亦鬱成

濕熱積得濕熱愈大當兼驅濕熱之邪 胃弱少食勿與攻下

二賢散常服自消 張子和謂五積六聚治同鬱斷蓋積聚由

于鬱滯也其治肥氣吐以獨聖散見傷飲食兼汗吐後必有血數滴

也續以磨積藥調之治伏梁吐以茶調散見傷飲食兼汗又以禹功

導水並見腫脹奪之繼以降火之藥調之治痞氣以瓜蒂散見傷飲食吐

之以導水禹功下之末以五苓見傷濕淡劑調之治息賁吐以瓜

蒂散汗下兼行治賁豚下以導水丸通經散次用治血化氣磨

積之藥調之賁豚吐或言其峻子和曰積在藏府多着脂膜曲折

之處如陳莖之在江河不在中流多着汀灣洄泊之地遇江河

之溢一漂而去積之在藏理亦如之故先以丸藥驅逐新受之

食使無梗塞其碎着之積已離未下次以散藥滿胃而下如橫

江之筏一湧而盡設未盡者以藥調之惟堅積不可用此法宜
以漸除塊癥是也因述九積治法於後 食積心峽腹滿大黃
牽牛之類甚者礞石巴豆 酒積白黃口乾葛根麥蘖之類甚
者甘遂牽牛 氣積噎氣痞塞木香檳榔之類甚者枳殼牽牛
涎積咽如拽鋸朱砂膩粉之甚者瓜蒂甘遂 痰積涕唾稠粘
半夏南星之類甚者瓜蒂黎蘆 癖積兩脇刺痛三稜廣茂之
類甚者甘遂蠅稍 水積足脛腫滿郁李商陸之類甘遂芫花
血積打撲胸癰產後不月桃仁地榆之類甚者蝨蟲水蛭 肉
積瘰癧核癰腫粉白丁香砒剉出血甚者硃砂信石 九積皆
以氣為主

蟲

蟲由濕熱鬱蒸以生

或雜食生冷肥甘厚味停滯或五藏勞熱病後氣血鬱積凡可以致濕熱者皆能生

蟲不必過餐魚膾白酒誤啖蟹見水蛭乃然也

觀日中有雨則禾節生蟲可見玄珠云

蟲得風木之氣乃生得雨氣乃化蓋風木氣溫雨氣濕其為濕

熱所生無疑于金要方云蟲有九皆能食人藏府一曰伏蟲長

四分羣蟲之主也一曰蛇蟲長一尺或五六寸生發多則貫心

而殺人一曰白蟲長一寸

故名寸白蟲

子孫相生其母轉大長四五

五丈

準繩作相連長一丈

能殺人

子利云頭偏小因飲白酒以桑枝貫牛肉炙食或食生粟或食生魚後即飲乳

醅所生發動則損人精氣腰脚疼

一曰肉蟲狀如爛杏令人煩滿一曰肺蟲狀

如蚕令人咳嗽一曰胃蟲狀如蝦蟆令人嘔吐胃逆氣噦一曰

弱蟲又名膈蟲狀如瓜瓣令人多唾一曰赤蟲狀如生肉令人
腸鳴一曰蟻蟲至細微形如菜蟲居廣腸中能為痔漏瘡癰疥
癬等患人不必要盡有有亦不必盡多本事方云心蟲曰蛔即脾
蟲曰寸白皆蟲如寸截絲縷自蟻也肝蟲如爛杏肺蟲如蚕皆能
殺人肺蟲居肺葉內蝕肺系成瘵疾咯血聲嘶藥所不到治之
為難 又有屍蟲與人俱生狀如馬尾或如薄筋依脾而居乃
有頭尾皆長三寸

蟲証心嘈腹痛或上攻心如咬蟲動則心慌亂不寧故嘈嘔吐

涎沫清水或青黃水蟲多在胃中胃氣破蟲擾動則腹中痛也嘔吐

故流涎謂胃氣為蟲所滯不能行其津液故上泛而從廉泉穴出耳面色痿黃胃脈上面胃因蟲

黃色見或乍赤乍白乍青黑青黑為痛色白為少血色赤為火

氣血滯于肉不上行則面無血或面有白斑胃中蝕痕斑駁故

若影之唇常紅唇血因熱滯或生瘡如粟米準繩謂蟲蝕下部

上部為感上唇有瘡按狐惑之名本金匱謂蝕于喉聲啞為惑

蝕下部則乾為狐金鑑謂狐即下疳蝕爛肛門與下陰惑即牙

疳蝕明齒斷脫牙穿腮破唇或沉默欲眠臥起不安不欲飲食

按牙疳下疳皆濕熱病也

惡聞食臭蟲聞食臭自動動則令人飢則痛得食痛更甚蟲飢

求食又蟲爭飽即安蟲飽即安時痛時止以手拊擊即息

食而亂動也飽即安不動矣時痛時止以手拊擊即息

驚畏而止也不捷又作取蟲面愈腹大有青筋或腹中有塊

耕起丁利黑血青筋見腹血敗故利黑血也體有寒熱氣滯于

寒滯久暴伸脈洪而大腹痠麻當沉弱今反洪皆其候也

于外則發熱脈洪而大大乃濕熱生蟲之象

治諸蟲法常以白筴草沐浴佳根葉皆可用草既香且爲屍蟲所畏也

蟲有腹中月上旬頭向上中旬橫之下旬向下觀牛馬生子上

旬生者行在母前中旬生者並母而行下旬生者後隨之猫食

鼠上旬食上段中旬食中段下旬食下段皆自然之理故治蟲

須于上用藥一云初一至初五蟲頭向上一云初一至初三

藥若急不能待可忍飢一日使蟲餓於五更時先嚼炙猪肉嚙

津而勿食使蟲聞香則頭向上然後服殺蟲之藥或用藥未攪雞蛋煎食

諸殺蟲藥皆苦惟樵子使君子甘小兒疳蟲煨使君子與食

以其壳煎湯送下甚妙 鷓鴣雷丸蕪荑苦練根檳榔錫灰等

皆殺蟲之品錫灰爲最

毛景得奇疾每語喉中必有物聲相應有道人教令誦本草藥名至藍而默然遂取藍搥汁飲之少頃吐出肉塊長一寸餘人形悉具自後無聲 陳正敏遜齋閒覽載楊勗得異病每發言應答腹中有小聲効之數年間其聲浸大有道人見而驚曰此應聲蟲也久不治延及妻子令讀本草至雷丸蟲無聲乃頓服之遂愈 趙子山苦寸白蟲醫者戒云是疾當止酒而以素所耽嗜欲罷不能一夕醉歸寓已半夜口乾咽燥倉卒無湯飲適廊廡下有甕水月色下照瑩然可掬卽酌而飲之其甘如飴連飲數酌乃就寢迨曉蟲出席覺心腹頓寬宿疾遽愈驗視乃纖

草履者浸紅藤根水也 吳少師嘗得疾數月間肌肉消瘦每
飲食下咽少時腹如萬蟲攢攻且痒且痛張銳切脈戒云明日
早且忍飢勿啖一物銳取黃土一盂溫酒一升投土攪其內出
藥百粒飲之覺腸胃掣痛幾不堪忍須臾暴下如傾穢惡斗許
有馬蝗千餘宛轉盤結銳曰蟲入人肝脾裏勢須滋生此蟲喜
酒又久不得土味乘飢畢集故一藥能洗空之耳 蔡定夫之
于苦寸白爲孽醫者使之碾檳榔細末取石榴東引根煎湯調
服之先炙肥猪肉一瓣寘口中嚼咀其津膏而勿食云此蟲惟
月三日以前其頭向上可用藥攻打餘日卽頭向上縱有藥皆
無益蟲聞肉香故空羣爭赴之覺胸中如萬箭攢攻是其候也

然後飲前藥蔡悉如其戒不兩刻腹中雷鳴急登廁羈下如傾
命僕以杖挑撥皆聯綿成串幾長數丈尚蠕動舉而拋於溪流
宿患頓愈

患此者雖羸弱必先去蟲後以和平之劑調之即此可爲一切虛者有實先改後補暗者只用滋補甚且謂蟲爲臟寒所生妄加熱藥可啞也

○中毒

不論所服何毒急取礬心上爲末冷水調服方寸匕地漿亦佳見砒礬毒

或以甘草濃煎汁多飲之須放冷飲毒乃解已下諸藥皆然又食蜜少許佳

又服葱涎或煮大豆汁服亦可 又濃煎薺苳汁飲之不及煮

便嚼食亦得 又方生麥冬八兩葱白八兩豉三升水七升煮

取三升半分三服 又薺芫一分藍葉花七月七日取葉共搗

末水調服方寸七日三 又板藍根乾者四兩洗淨晒乾貫衆一兩剉去尾青

黛研生甘草各一兩為末蜜丸或水浸蒸餅九桐子大另以青黛

為衣每服十五丸嚼爛新水送下即解常服三五丸亦解暑熱

又紫金錠冷水磨服孕婦忌之 如欲死急取新小便和廁

旁久屎一升絞取汁一升盡灌之便活已死者亦可救參下並毒條取

法黃汁

砒礬毒 羊血及雞鴨血熱服 藍根砂糖搗水服入薄荷汁

尤妙亦治已毒 菜豆搗漿新汲水調通口服 黃蘗花一二錢

井花水濃調灌 豆豉煎濃汁飲亦治服藥過劑煩悶 芭蕉根搗汁飲

掘地至黃土八新汲水攪濁取出濾去滓不必飲之並解薑

毒名地

將水

巴豆毒

黃連芭蒲小豆大豆汁芭蕉根汁並解之

狼毒毒

白欬鹽藍汁並解之

藜蘆毒

雄黃葱汁並解之

芫花毒

防風防己甘草桂枝汁並解之

躑躅花毒

梔子汁解之

射罔毒

藍汁大小豆汁六畜血蚯蚓屎藕汁並解之

葭莖毒

薺芫甘草升麻犀角解汁並解之

半夏毒

生薑汁解之

大戟毒 菖蒲汁解之

附子天雄烏頭毒 大豆豉豆各數合煎濃汁飲 又遠志

風藶節糖並解之

杏仁毒 藍子汁解之

川椒毒 開口者有毒 食蒜或飲地漿 或濃煎豆豉汁飲並解

之

雄黃毒 防已解之

丹砂毒 鹽五錢冷水調澄旋服

丹毒 地漿良 食蚌肉解丹石毒

五石毒 薤白汁生服

吞金屑未絕者 水_分一兩放口中搖動令下咽入腹 金卽

消滅成泥而出三服卽活

漆毒 搗蟹汁塗

葶毒

忍冬草_{卽金銀花}生啖

人糞汁飲一升

_{截竹筒去青皮浸糞窖中取筒內汁}

大豆煮濃汁飲之

細茶芽研新汲水調服

石首魚或鱖

魚頭白水煮汁服

荷葉殺蠶毒

苦瓠毒

黍稷煮汁服解之

麴毒

豆腐毒

並用蘿蔔煎湯服子亦可

六畜肉毒及一切藥毒

白扁豆生晒乾爲末新汲水調下三

錢七

鳥獸中毒箭死者有毒 大豆煮汁及藍汁服解之

牛肉毒 人乳合豉濃汁服

馬肉毒 香豉二兩 杏仁三兩同蒸一食頃熟搗服日再 又方

煮蘆根汁飲之

鬱肉密器蓋肉經宿者也 漏脯毒經屋漏水粘著之脯肉也 燒犬屎酒服方寸匕 飲

人乳或韭汁二三升良

六畜肝毒凡肝不宜食目死者尤毒 豆豉水浸旋服 治馬肝毒雄鼠屎

尖者是 二七枚爲末水利服日再 又人頭垢取方寸匕酒調服

河豚毒 五倍子 白礬等分爲末水調服或多飲清油吐之

蟹毒 紫蘇煮汁飲三升 冬瓜汁飲三升

食果中毒 猪骨煨為末服方寸匕亦治馬肝漏脯等毒

蛇遺精水中誤飲中毒並治蛇咬 水調雄黃末飲之蛇咬兼塗傷處

蛇咬水洗頭垢稠濃一云洗飽飲

蠱毒初中尚在膈上者宜吐之 白礬 建茶各二錢為末新汲

水調頓服即吐又此藥入口覺甘甜不苦可驗是毒也或令

唾水沉者是浮者非或含銀器口中經宿色黑者是 若在

膈下宜瀉 麝香二錢半別研 雄黃 朱砂水飛俱別研 赤腳蜈

蚣微炙 續隨子各一兩 共為末煮糯米粥九如芡實大每服

一丸熱酒下即瀉出 又方敗鼓皮 蚕退紙各燒存性 刺蝟

皮 丑倍子 續隨子 朱砂飛 雄黃飛 爲末糯米稀

糊丸桐子大每服七丸空心熟水送下 又麻 桔梗 瓜

蘗各五兩 搗末先以熟湯洗患者陰中再以湯調方寸七日二

服漸加至二三七毒即內消忌食粘物及猪肉 又方鼓皮

爛五寸長一尺 薔薇根五寸如足搗 水一升清酒三升煮取一升

頓服下其毒即愈 又方薔薇根爲末飲食方寸七 又方

生括搗根取汁一升和醬汁少許溫服之須臾吐出蠱甚驗

又方胡荽根搗取汁半升和酒飲之立下 又方以猪胆

導下部良 若吐血或下血如爛雞肝者茜根蘗荷根各三兩

水四升煮取二升去滓頓服愈 又方猬皮燒灰水服方寸

七節吐出之

又方酒服桔梗末

加犀角末更佳

方寸匕日三服不

能服可灌之心中當煩須臾自靜有頃下服至七日止食猪
脾補之 又治五蠱一曰蛇二曰蜥螬三曰蝦蟇四曰科斗
五曰草蠱細切脂衣晒干爲末水服半錢匕卽消或含升麻
嚥汁亦佳

嵐瘴惡氣

犀角羚羊角雄黃麝香解之

又甘草二兩水

三升煮一升分服

井中湧

凡五六月井中及深塚中皆伏有毒氣欲入者先以

雞鴨毛投之直至底則無毒若徘徊不下必有毒矣亦可納
生雞鴨于其中試之不死者無毒也又須以酒或醋數升酒

其四旁良久乃入如中毒鬱悶欲死卽取其井中水洗其面
令飲之又灌其頭及身卽活若其井無水卽他井亦可一云
他井水洒身上至三日食填便活東井取西井南井取北井